

# САДАТ

1925 йилдан чиқа бошлаган

3  
2020



Юртимизда  
дахор

# Зулфия номидаш Ҷавлат мүкоғоти сөвриндөрларини құттаймыз

# 2020

Қарақалпоғистон Республикаси



Ибрагимова Назокат  
Мухторовна – Қарақалпоқ  
давлат университетининг 1-босқич  
магистранти

Нуратдинова Динара  
Елубай қызы – Нукус давлат педа-  
гогика институтининг 2-босқич  
талабаси

Андижон вилояти



Абдумүминова Нигора  
Ихтиёровна – Андижон  
машинасозлик институтининг  
4-босқич талабаси

Нұймонова Зулфира  
Иқболжон қызы – Тошкент давлат  
ўзбек тили ва адабиети универси-  
тетининг 4-босқич талабаси

Бухоро вилояти



Ражабова Нилуфар  
Комилжоновна – Ўзбекистон  
Миллий университетининг  
2- босқич талабаси

Холиковна Низима  
Нельматиллоевна – Бухоро  
давлат университетининг  
таңын докторанты

Жizzах вилояти



Ибрагимова Вазира Ҳусан қызы –  
Ўзбекистон халқаро ислом академия-  
сининг “Маърифат ва ҳикмат” масъу-  
лияті чекланған жамияти мұхаррири

Илҳомова Севара Даврон қызы  
– Жizzах политехника  
институтининг 3-босқич  
талабаси

Қашқадарё вилояти



Норчайева Мадина Норчайевна  
– Камолиддин Беҳзод номида-  
ги Миллий рассомлик ва дизайн  
институтининг 2-босқич талабаси

Олимжонова Бегойим Мансур қызы  
– Қашқадарё вилояти Шахрисабз  
туманидагы 42- умумий ўрта таълим  
мактабининг 11- синф ўқувчысы

Навоий вилояти



Омонбоева Мерей Эрали қызы –  
Навоий давлат педагогика  
институтининг 4- босқич  
талабаси

Сапарова Ситора Шайдулла қызы  
– Навоий вилояти Хатирчи тума-  
нидагы 5- умумий ўрта таълим  
мактабининг 11- синф ўқувчысы



# Зулфия

(1915–1996)



## ЭМИШ...

Эмиш: шуҳрат ўраб кемтиқ қисматим  
Кўзлардан узоқда сирқираб оқар.  
Қалбда қўргошиндай ётиб ҳасратим,  
Кўзларим жаҳонга баҳтиёр боқар.

Эмиш: ҳаёт менга аёл баҳтидан  
Тўлиқ косасини кўрмапти лойик.  
Лекин қалбим тўйкан шеър шуҳратидан  
Баҳтли аёл дермиши мени халойик...

Танда қўргошин-ла юрганлар озми?

У жангчи танида, аёл дилида  
Қарийб чорак аср зангламай ётар.  
Баҳтнинг минг жилосин берган элида  
Ҳар бир жон жаҳонга толе ёр боқар.

Лиммо-лим қисматга бўлмаганлар ёр  
Кемтиклиқ ҳасратин биларми дардин?  
Қалбни безаб кетган ишқда зўр баҳт бор,  
Юрак унумарми олтин дамларин?

Аёл баҳти!

Мендай аёл баҳтига  
Тақдир маликани кўрганми лойик?  
Халқ меҳрида, ёрман эл шуҳратига,  
Баҳтли аёл деса ҳақли халойик...

1965

# Халқ бой бўлса, давлат бой бўлади

**Президентимиз  
Шавкат Мирзиёев  
Хоразмга сафари чоғида  
Янгиариқ туманидаги  
“Global Food Impeks”  
масъулияти чекланган  
жамияти томонидан  
ташкил этилган  
замонавий иссиқхонани  
кўздан кечирди.**



“Global Food Impeks” МЧЖга 23 гектар ер ажратилган. Ҳозирда тумандаги 10 гектарлик ва Нукус шаҳридаги 3 гектарлик иссиқхонада помидор ва бодринг етиштирилмоқда. Янгиариқда курилаётган 10 гектарлик иссиқхонани эса жорий йил сентябрь ойига қадар ишга тушириш режалаштирилган. Бу ерда кулупнай, гул ва кўчатлар етиштирилди.

Президентимиз ташриф буюрган иссиқхонада йилига 3 минг тоннадан зиёд бодринг ва 2 минг тон на помидор етиштирилди. Помидорнинг Нидерландиядан келтирилган нави экилган. Бу нав “Юсупов” навига ўхшаб кетади. Гектарига 400-450 тоннагача ҳосил беради. Узилганидан кейин 25-28 кун яхши сакланади, сархилик хусусиятини йўқтамайди.

Помидор Россияга экспорт қилинмоқда. Жорий йил январь-февраль ойларида 480 минг долларлик помидор шу мамлакат бозорига етказиб берилди. Экспорт жараёни кулялаштирилган. Божхона, санитария ва бошқа экспортгга рухсат берувчи ташкилотлар ходимлари иссиқхонанинг ўзига келиб хужжатларни расмийлаштириб беради. Маҳсулот Янгиариқдан Москвагача юк машиналарида етказиб борилади. Куни кеча илк бор Санкт-Петербургга 10 тонна помидор юборилди.

Ҳосил гидропоника усулида етиштирилди, яъни ҳар бир кўчат кокос дарахти пўстлоғи бўлган маҳсус ўрамга экиласди. Томчилатиб сугорилади, ўсимликка минерал ўғит ҳам сув орқали берилади.

Кокос ўрами Шри-Ланкадан, ўғитлар эса Нидерландиядан келтирилди. Бунга тадбиркорларимиз кўп маблағ сарфлайди. “Global Food Impeks” МЧЖ раҳбари Алишер Маткаримовнинг айтишича, ҳосил учун энг кўп ишлатиладиган ва жуда зарур кальций нитрат ўғитининг 23-24 тоннаси юклangan катта юк машинаси Янгиариқдаги иссиқхонага кириб келиши учун 25 минг доллар маблағ керак бўлади. Биз-

да ишлаб чиқарилса, бу кўрсаткич таҳминан 9-10 минг долларга айланиши мумкин.

Тадбиркор кокос дарахти пўстлоғи озукаси ўрнини босувчи табии манбани ўзимизда ишлаб чиқариш ҳаракатида. Бу борада Урганч давлат университети олимлари билан ҳамкорликда илмий ишлар бошланган. Шу мақсадда университет учун лаборатория ҳам курилади.

Ҳозирча иссиқхонани туркиялиқ агрономлар бошқармоқда. Улар ёнида Урганч давлат университети ўсимликшунослик факультети 4-босқич талабалари иш ўрганаётир. Талабалар синон муддати билан ишга олинган. Ҳозирча уларга ойига 2 миллион сўмдан маош тўланмоқда. Иккинчи йилдан иктидорига қараб 10 миллион сўмгача ойлик олиши ваъда қилинган. Ишни мустақил юрита олиш даражасига етгач, ёш агрономларга 40 миллион сўмгача ойлик тўланади. Чунки бугунги кунда иссиқхона саноатида агроном асосий куч ҳисобланади.

Иссиқхонада 260 иш ўрни яратилган бўлиб, уларнинг 200 нафари хотин-қизлардир. Ишчилар меҳнатига яраша 1 миллион сўмдан 4,5 миллион сўмгача ойлик олади. Шунингдек, яхши ишлаганларга кунлик,

ҳафталиқ пул мукофотлари берилади. Асосий жараён компютерда бошқарилади. Ишчилар фақат ҳосилни териш ва қадоқлаш билан шугулланади.

Юртбошимиз Янгиариқ туманидаги “Хоразм пилла холдинг” корхонаси фаолияти билан танишид.

Бир йил аввал корхона ўрнида 70 йиллар олдин курилган эски пиллахона бўлган. Шу атрофда яшаётган хотин-қизларни эса ишсизлик масаласи қўйнаб келарди. Президентимиз ташаббуси билан мамлакатда кластер усулида пилла етиштириш тизими йўлга кўйила бошлани янгиариқлик хотин-қизлар ҳаётида ҳам янги саҳифа бошлаб берди.

Эски пиллахона ўрнида замонавий жиҳозланган, кластер усулида ишлайдиган “Хоразм пилла холдинг” масъулияти чекланган жамияти фаолият бошлади. Корхонада лойиҳалар босқичма-босқич амалга оширилмоқда. Биринчи босқичда пиллани қайта ишлайдиган 2 та линия ишга туширилади. Бунинг учун тадбиркор 1,3 миллион доллар маблағ сарфлади. Корхонада пилладан хом ипак, ипак момиги ишлаб чиқарилади, 50 дона замонавий дастгоҳда ипак гилам тўқилади. 2 сменада 200 доими, 1800 мавсумий ишчи, асосан, хотин-қизлар меҳнат қўймоқда. Корхона жорий йилда 1 миллион 159 минг долларлик маҳсулотни экспорт қилиши режалаштирилган. Лойиҳа учун сарфланган маблағ 5 йилда қопланиши кутилмоқда.

Хоразмда пиллани қайта ишлаш бўйича илфор тажрибалар оммалашмоқда. 2019 йилда вилоятда “Хоразм ипаги”, “Khiva silk fabric”, “Urganch silworn pro” ва “Хоразм пилла холдинг” каби пиллани қайта ишлаш корхоналари иш бошлади.

Жорий йилда вилоятда пиллачилик соҳасида 1649 доими иш ва 4 марта пилла етиштириш мавсуми ҳисобига 55 минг 585 мавсумий иш ўрни яратилиши мақсад қилинган.

“Хоразм пилла холдинг” корхонаси жорий йил охирига қадар “Afghan Bazar Garments” хорижий корхонаси (Германия) билан ҳамкорликда ипак, жун ва пахта толаси аралашмасидан қўлда гилам тўқиш цехи очишни режалаштирилган. Бу яна 200 хотин-қизни иш билан таъминлаш имконини беради. Лойиҳа тутзорлар ташкил қилишдан бошлаб тайёр маҳсулот ишлаб чиқаришгacha бўлган жараённи қамраб олади. Маҳсулотлар Европа ва АҚШ бозорларига экспорт қилинади.

Президентимиз хотин-қизлар учун муносаб иш ўрни яратиш омили бўлган бу каби кластер усулидаги корхоналарни ҳар бир туманда ташкил қилиш зарурлигини таъкидлadi.

– Хомашё етиштиришдан тайёр маҳсулот ишлаб чиқаришгacha бўлган жараён ҳар бир туманда йўлга кўйили-



ши керак. Бу жараёнга асосан тадбиркорларни жалб этиш яхши самара беради. Ўзбек ипак маҳсулотларига бозор бор экан, бу каби кластерларни кўпайтирамиз, – деди давлатимиз раҳбари.

Хива шаҳридаги Президент мактаби ҳам анъанавий мактаблардан фарқли равишда ихчам ва билим олиш учун кулай. 2019 йил сўнгидаги фойдаланишга топширилган билим маскани вилоят ёшлари учун улкан совға бўлди.

Мактаб 168 ўринли бўлиб, 2 қаватли ўқув биноси, 3 қаватли ётоқхона, ошхона, хорижлик ўқитувчилар учун меҳмонхонага эга. Синф хоналари энг замонавий ўқув қуроллари билан жиҳозланган. Спорт зали, сузиш ҳавзаси қурилишига ҳам инновацион ёндашилган. Мактаб кутубхонаси Кембриж, Оксфорд университетлари нашриётлари ҳамда Коллинз нашриётининг “STEAM” дастури бўйича дарслик ва ўқув қўлланмалари, ўзбек ва жаҳон адабиёти намуналари билан таъминланган. Дарсликларнинг электрон шакллари ҳам мавжуд, бу ўқувчиларга улардан янада самарали фойдаланиш имконини яратади.

2019-2020 ўқув йилида 5-10-синфларга жами 144 нафар ўқувчи танлов асосида қабул қилинган.

Президент мактабида дарслар Кембриж университети эксперталари билан ҳамкорликда ишлаб чиқилган ўқув режаси ва дастурлари асосида олиб борилади. Мактабга 9 нафар хорижлик мутахассис ҳамда 21 нафар тажрибали маҳаллий ўқитувчи жалб қилинган. Улар ҳам халқаро таълим талаблари асосида маҳсус имтиҳонлар орқали танлаб олинган.

Давлатимиз раҳбари виртуал кимё лабораторияси, мусиқа хонасида яратилган шароитлар билан танишиди, ўқитувчи ва ўқувчилар билан сұхbatлашди.

– Мана шундай масканларда кўплаб иктидорли фарзандларимиз илм олишдек катта йўлга қадам қўйди. Бу уларнинг ҳаётидаги энг тўғри ва мақсадли танловdir. Келгусида турли соҳаларда улар эришаётган ютуқлар, юртимизга тегаётган фойдасини кўриш барчамиз учун баҳт, – деди Шавкат Мирзиёев.

ЎзА маълумотлари асосида тайёрланди.



# Янги Ўзбекистон бағрида яшараётган Хоразм чизгилари...

Уларнинг индаллоси – Хоразмнинг асл ўлони, Ватаннинг шерюрак баҳодири, юрт озодлиги йўлида жонини тиккан буюк саркарда Жалолиддин Мангубердининг жанговар ҳаёти, деярли, от устида ўтгани тарихлардан аён.

Ўзбекистон халқ шоири Абдулла Орипов ўзининг “Ўзбекистон – Ватаним маним” қасидасида:

*Бош устингдан ўтди кўп замон,  
Ўтди будда, ўтди зардуштий,  
Ҳар учраган нокасу нодон  
Она халқим, ёқангдан тутди,  
Сени Чингиз вазабга тўлиб,  
Йўқотмоқчи бўлди дунёдан,  
Жалолиддин самани бўлиб.  
Сакраб ўтдинг Амударёдан!  
Сенсан ўшал саманим маним,  
Ўзбекистон – Ватаним маним.*

– дея юрагимизга нақш этганидай, юрт шаъни ва ор-номусини юрагида туғдай асраган улуф бобомизнинг ҳаёти, деярли, от устида ўтган.

Давлатимиз раҳбари Урганч шаҳрида Жалолиддин Мангубердининг от устида жангга шайланган ҳолатдаги ҳайкалини барпо этиш тўғрисида фикр билдирганларида юраклар гуурдан бир қалқиган эди. Ташриф давомида Юртбошимиз ҳайкал ўрнатила-диган майдонни ва унинг макетини кўздан кечириб, тавсияларини бердилар: “Бу ҳайкалга назар ташлаганда, нафақат юртдошларимиз, балки, четдан келган кишиларнинг ҳам юрагига титроқ тушиши керак!” деб таъкидладилар.

Хоразм санъатининг гултожи бўлган “Лазги” фестивалини халқаро миқёсда ҳар сафар Хоразмнинг бир туманида ўтказиш тўғрисидаги таклифларидан барчамиз кувондик. Бу афсонавий куй яқинда муҳтарам Юртбошимизнинг саъй-ҳаракатлари билан ЮНЕСКОнинг маддий неъматлар рўйхатига олинган эди. Санъатимиз жонкуяр-

лари қалбидаги бу шукук ва шукроналил тафтидан кўнгиллар ийиб, диллар ҳароратланиб турганда, Президентимиз томонидан Хоразм “Лазги”сига кўрсатилган бу қадар эътибордан санъатсевар халқимиз беҳад кувонди.

“Лазги” бугун бутун мамлакатимиздаги энг катта байрам тантаналарининг авж нуқтаси, уни барча юртдошларимиз бирдек яхши кўради. “Лазги” элларни элларга, дилларни дилларга туташтирувчи, дўстлик, меҳр, иқбол ва саодат сингари энг покиза, энг олижаноб туйгуларни пайванд қилувчи сехрли наво, барчага баравар шодлик, куч-ғайрат улашувчи мўъжизавий оҳангдир!

Дарвоқе, асрлар давомида хеч ким бу куйга сўз боғлашга журъат этмаган. Ўзбекнинг оташнафас ҳофизи, булбулзабон Комилжон Отаниёзов илк бора уни сўз билан ижро этиб, “Лазги”нинг иккинчи умрига асос солдилар... Ҳозирда “Лазги”нинг тўққиз тури бор, бири-биридан жозибадор, бири-биридан жўшқин! Эндиликда муҳтарам Президентимизнинг эҳтироми, бекиёс ташаббуслари билан “Лазги” тарихида мутлақо янги, нурли саҳифа очиладиган бўлди!

“Лазги”миз тўйи озод ва обод Ватанимизнинг, ўз ҳаётидан рози, мамнун ва баҳтиёр халқимизнинг муборак шодиёнасига, эзгулик ва тотувлик, тинчлик ва қувонч тантанасига айланади.

Бу қутлуғ ташрифда айтилган фикрлар бугун воҳадаги ҳар маҳалла, ҳар оиласида давом этмоқда. Бу сұхбатлар тўлқинида юраклар, тафаккурлар уйғонмоқда. Бу уйғониш эртага ҳаётимизга фаровон ҳаёт, саодатли онларни бошлаб келиши, шубҳасиз.

**Гавҳар ИБОДУЛЛАЕВА,  
Ўзбекистонда хизмат кўрсатган  
маданият ходими.**

**Я**нги минг йилликнинг йигирманчи баҳори хоразмлиklärга хуш келди. Муҳтaram Президентимизнинг 12-13 мартағи икки кунлик сафари давомида қадимий ва навқирон воҳадаги буғунги ижтимоий-иктисодий вазият чуқур, одилона таҳлил қилинди. Энг муҳими, вилюятни бутун мамлакатимизда кечайтган шиддатли янгиланишларга монанд равишда ривожланышнинг ойдин йўлига олиб чиқиши, бу заминнинг меҳнаткаш, фидойи ҳалқини рози қилиш, аҳолининг ўз ҳаётидан мамнун бўлиб яшashi, уларга муносиб турмуш шароитларини яратиш борасидаги долзарб вазифалар, бир сўз билан айтганда, Янги Ўзбекистон бағрида янги Хоразмнинг истиқболдаги қиёфаси башорат қилинди...

Дарвоқе, буюк хоразмийлар юрти...

Биз мазкур мақолада давлатимиз раҳбарининг кутлуғ қадами билан буюк хоразмийлар ворисларининг маънавий-маданий ҳаётида яқин истиқболда содир бўладиган тарихий ўзгаришлар, уларни кутаётган залворли бунёдкорликлар ҳақида тўхталишга жазм этдик.

# Мұхаббат лаҗжасида сўйловчи санъат

**Мақом санъати бизга улуг аждодларимиздан қолған маңынавий мерос.** Гарчи ҳар бир давр билан бирга бу санъатда нимадир сайқалланиб, нимадир янгиланган бўлса-да, мақомнинг илдизи узоқ даврларга бориб туташади. Биз мақомнинг қудратбахш оҳангларида қадим халқимизнинг кучли, ҳаётсевар руҳиятини ҳис қиласиз. Ўзбекистон давлат консерваторияси “Мақом хонандалиги” кафедраси ўқитувчиси Мамлакатхон УЛАШЕВА билан сұхбатлашар эканмиз, бу қадим санъатнинг яшовчанлик сабабларини илгашга ҳаракат қилдик.

**- Мақом санъати ёши улувларга хос деган қарашиб ўйқ эмас. Сиз нима сабабдан ўзлаштириши, ўрганиши ва тингланиши ҳам у қадар осон бўлмаган мақом ўйлини танладингиз?**

- Эҳтимол, қайси бир даврларда шундай нүктаи назарлар бўлгандир. Аммо ҳозир мақом барча санъат турларидан баландроқ қадрланаётганга ўхшайди. Бу, албатта, мамлакатимизда мақом санъатига берилаётган эътибор билан ҳам боғлиқ. Қашқадарёда бўлиб ўтган Халқаро мақом фестивали бу қадим санъатнинг қадрини бир неча баробар кўтариб юборди. Турли миллатлар, айниқса, туркий тилли халқларнинг ижро этган ашуалари бу санъат турининг туйгулар тарбиячиси эканлигини, улуг қадрият эканлигини намоён қилди. Мумтоз ашуаларнинг моҳиятини эртароқ англай бошлишимга онам Дилбар ая сабабчилар. Улар мусиқа ўқитувчиси. Ўсмир ёшимдан оҳанглар, овозлар ичida улгая бордим. Турли кўрик-танловларга тайёргарлик жараёни, fazal seҳri, мумтоз кўйлардаги мукаммаллик мени мақомга маҳкамроқ боғлади.

**- Инсоннинг эришган ютуқлари ҳаёти давомида пиллатоя бўлиб хизмат қиласи. Зулфия номидаги Давлат мукофотининг фаолиятингизга таъсирি қандай?**

- 2002 йил Зулфия номидаги Давлат мукофотига лойик кўрилдим. Мукофотгача мен шунчаки мумтоз ашуалар мафтуни эдим, холос. Жамиятдаги ўрним ҳақида ортиқча ўйлаб ўтирамасдим. Мукофот менга истеъододимга яраша жамиядада ўрин топишимга ёрдам берди. Оддий талаба даражасидан ўқитувчи, устоз мақомига кўтарилишим бу йўлда ўзимга талабчанигим, қадамлаётган йўлларимни онам, устозларим назари билан баҳолаб турганим сабаб бўлди.

**- Дарвоқе, устозларингиз... Сизнинг ютуқларингизда устозларнинг ўрни?**

- Мақом санъатида устоз ва шогирдлик алоҳида аҳамиятга эга. Чунки биз, деярли, янги нарса яратмаймиз, балки, аввалги созандао ҳофиз, ҳофизалар маромига етказиб ижро қилиб кетган, халқ кўнглидан ўрин олган мумтоз ашуаларни ёш овозимиз, ёш туйгуларимиз билан жилолантириб янгидан кўйлаймиз. Тақдир менга Ўзбекистон халқ артисти Муножот Йўлчиевадек мукаммал мақом устасини устоз сифатида раво кўрганидан беҳад баҳтиман. Уларнинг талабчанилиги, меҳри, ўзимнинг мақом санъатига бўлган чексиз ҳурматим боис шундай ютуқларга эришяпман. Бу ютуқларда ўзимдан кўра ҳам устозимнинг меҳнатлари катта эканлигини алоҳида этироф қиласаман.

**- Саҳнада ўзингизни кўпроқ ҳофиза деб тасаввур қиласизми ёки халқимизнинг миллий санъатини тар-**



**вибот қилаётган фуқаро сифатидаги масъулиятингиз юки залворлироқми?**

- Илк хорижга йўлим Индонезия мусиқа академиясидан ўқишимдан бошланган. Индонез анъанавий мусиқаси ва Ислом мусиқаси йўналишида таълим олганман. Хориждан қайтганимдан сўнг мен ёшлигимдан ҳавас қилиб юрадиган “Ўзбеким ёшлари” ансамблида фаолият бошлаганман. Турли йўналишларда ижод қилувчи тенгдошларим билан биргаликда Хитой, Ҳиндистон, Франция, Туркия, Италия давлатларидаги халқаро фестивалларда қатнашганимиз. Ҳар бир фестиwalъ ўзгача шукуҳ, ўзгача куч берар эди. Албатта, биз ҳар бир давлатга ўзбекистонлик ёшлар нафасини олиб киришга ҳаракат қиласи ҳаракат қиласи. Саҳнада ўзимни, аввало, Ўзбекистон фуқароси, кейин ҳофиза сифатида тасаввур қилганман. У ерда турмуш ўртоғим Дилшод Али билан танишиб, турмуш курдик. Фарзандли бўлдик. Кейинчалик биргаликда раққоса, хонанда, созандалардан иборат “Нурафшон” ва “Барчиной” болалар ансамбларини ташкил қилдик. Жажжи қизалоқларимиз Антalia, Мармарис, Хитой, Малайзиядаги фестивалларда иштирок этиб, ёшларига яраша муваффақият қозониб қайтишмоқда. Ўзим ҳали ёшман, ўзим шогирдман. Лекин шогирд етишириб, уларнинг ютуқларини кўриш бу катта баҳт экан. Санъат ҳам спорт каби халқни дунёга танитади, тан олдиради. Биз халқимизнинг кимлигини намойиш қилишдек юксак вазифага хизмат қилаётганимиздан фахрланамиз.

**- Келинг, энди оиласа қайтамиз...**

- Турмуш ўртоғим билан бир соҳада эканлигимиз менинг яна бир баҳтим. Менинг машақатларим унинг ҳам машақатлари. Биз кечқурун жамиятга эшик ёпиб, уйга кириб кетмаймиз. Санъат ҳақидаги сұхбатларимиз ҳатто, репитицияларимиз ўйда давом этади. Балки, одамлар қалбига куч берадиган, маънавий тарбия ато этадиган санъат дарчаси орқали дунёга қараганимиз бизни жуда кўп яхшиликлар доирасида ушлаб туради. Биз кўшиқлар, айниқса, мумтоз оҳангларнинг инсонлар қалбини поклашига ишонамиз. Шу ишонч билан кўйлаймиз. Одамларнинг қалбини муҳаббатга, унинг қувончларига, соғинчга, унинг оташларига тўлдиргимиз келади. Шунда ҳаёт завқлироқ бўлади.

**- Ниятларингиз ўзингизга йўлдош бўлсин. Мақомлар рангидан, оҳангларидан ҳар бир юртдошимиз қалбида эзгу ҳиссиятлар уйғонаверсин...**

**Д. НУРМУРОДОВА** сұхбатлаши.



# Азизим, лобарим, севаримисизлар...

**Б**у жарангдор сўзларни эшишишимиз билан халқимиз томонидан вафо ва садоқат тимсоли сифатида эъзозланаётган улуг устозимиз Зулфияхоним кўз олдимишга келади. Ҳа, шоиримиз юртимиз аёлларини қалбларига жуда яқин олар эдилар. Бисотидаги энг ҳароратли, энг файэли сўзлар билан уларни эркалатор, севар, юзма-юз келганида аёлларни қандайдир мезонлар билан ўлчаб, ажратмас, барчасини баравар бағрига босар, яхши гаплар билан кўнглини кўтарарди. Бугун ҳам опа-сингилларимиз эъзозланаётган давраларда биз учун қадрият бўлган ана шундай руҳиятнинг давом этаётганидан кувонамиз.

Мұхтарам Президентимизнинг Фармонларига кўра, жамиятда соглом мұхитни барқарорлаштириш борасида фидокорона хизмат қилган, оиласда, фарзанд тарбиясида бошқаларга ўрнак бўлаётган аёллар меҳнатини муносиб қадрлаш учун “Мўйтабар аёл” кўкрак нишони таъсис этилган эди. Яқинда бу йил ана шу мукофотга лойик кўрилган 287 нафар опа-сингилларимизни тақдирлаш маросими бўлиб ўтди.

– Мустақил мамлакатимиз – она Ўзбекистонимизнинг бугунги юксалишида опа-сингилларимизнинг муносиб ўрни бор. Олий Мажлис Қонунчилик палатасида 48, Сенатда 24 нафар хотин-қизларнинг фаолият олиб бораётгани, 16 нафар аёлларимизнинг Ўзбекистон Қаҳрамони мақомида кўпларга ўрнак эканлиги, 6 нафар академик ва 514 нафар фан докторларининг шлмий изланишлар қилаётгани салоҳиятли, жонкуяр хотин-қизларнинг жамиятимизда нечоғлик катта кучга эга эканлигини кўрсатади, – деди Маҳалла ва оиласи қўллаб-кувватлаш вазирининг биринчи ўринbosари

Эльмира Боситхонова анжуманин очар экан.

Фарҳ билан айтмолаётган ушбу рақамларга бошқа соҳаларда садоқат билан меҳнат қилаётган опа-сингилларимиз сановини кўшиб ҳисобласак аёллар жамиятнинг залворли юкини ўз елкасида кўтараётганига гувоҳ бўламиз.

Бугун “Мўйтабар аёл” шарафига муносиб кўрилганлар ҳам ана ўша фидоий сафда. Улар орасида йиллар давомида маънавий, ижтимоий, иқтисодий соҳаларнинг пешқадамларидан бўлиб келган Дилбар Фуломова, Фарида Абдураҳимова, Ойниса Мусурмонова, Гулчехра Охунова, Тўти Юсупова, Дилбар Маҳмудова, Мұхтарама Улуғова каби опа-сингилларимиз қаторида Каромат Тошиниёзова, Муаззамхон Собирова каби ииши аёлларнинг бор эканлиги бизнинг жамиятимизда меҳнат қилган инсон борки, албатта, қадр топишини далиллайди. Бундай юксак эътибордан кувонган, қалблари ҳаяжонга тўла аёллар билан сұхбатлашар эканмиз, қадр, эҳтиром туйгуси инсонга қанчалар куч-кувват, баланд орзулар баҳш этишини яна ҳам теранроқ англалик.



**М**ен 48 йилдан буён Ёзувчилар уюшмасида ишлайман. Раҳматли Комил Яшинга котиба вазифасида иш бошлаганман. Кўп йиллардан буён кадрлар масаласи бўйича фаолият олиб бораман. Ўтган йилларда қанча ёзувчи, шоирларимиз Ватанимизнинг юксак мукофотларига эришди. Уларни хужжатлаштириш ишларида қанча керак бўлса, шунча елиб-юргурганман. Қилган меҳнатларимга сира ҳам афсусланмайман, аксинча, ижодкорлар ҳаётига даҳлорлигимдан фахрланаман. Бугун олий маълумотли бўлиб, жамиятимизнинг турли жабҳаларида меҳнат қилаётган тўрт нафар ўғилларимнинг ризқини шу касб орқасидан топганман. Келинлар олдим, невара-лар кўрдим, барча кувончларимда қадрдан жамоам ёнимда бўлган. Бугун мени “Мўйтабар аёл”лар қаторига муносиб кўришган экан, бошим осмонга етди. Бизни ота-оналаримиз яхшиликка яхшилик билан жавоб қилишга ўргатишган. Мен ҳам бу баланд эътиборга хизматдаги, оиласадаги муваффақиятларим билан жавоб беришга ҳаракат қиласман, албатта, – дея қалбидан шу лаҳзаларда кечеётган кечинмаларни изхор қиласди Дилбар Турсунова.



Риштонлик Израбо Усмонованинг "Мўйтабар аёл"лар сафига муносиб кўрилган бу саҳоватпеша аёлнинг кўпларга ўрнак бўларли ҳиммати билан боғлиқ. У тадбиркорликнинг даромадини кўп йиллардан буён муқаддас Ҳажзиёратига бориш учун йифарди. Кун келдик, у бу маблагни эски уйларининг ўрнига янги иморат тиклашга кўли қисқалик қилиб турган элдошларига ёрдам сифатида тарқатиб берди. Энди бу аёлни совуқ кунларга қолмай болачаси билан иссик хонадонларга кўчуб олган риштонниклар ҳам, бу эзгуликни эшигтан бошқалар ҳам ҳожи она мақомида қадрлаётганлари, шубҳасиз.



**Д**авлат божхона қўмитаси инспектори, божхона хизмати подполковниги Лобархон Турсунова йигирма йилдан буён бир соҳада хизмат қиласиди. Унинг ҳам ҳаяжонлари бир олам:

– Мен божхона хизмати ходимларининг моддий таъминотини ташкиллаштириш йўналишида фаолият олиб бораман. Бу соҳа хизматчиларининг мамлакатимиз ҳаётидаги жуда катта ўрни борлигини ҳар дақиқада ҳис қилиб тураман. Ўғлонларимиэга улардан сезгирлик, фидойилик каби фазилатлар ўтса, деб орзу қиласман. Ўзим икки ўғилнинг онасиман, касбим билан боғлиқ интизом, қатъият каби хусусиятлар фарзандларимга ҳам кўчаётганидан хурсандман...




"Ҳеч ким ва ҳеч нарса унтилмайди". Бугун бу шиор факат урушда ҳалок бўлганларга нисбатан эмас, тинч замоннинг фидойилари учун ҳам қўлланимлоқда. Сурхондарёлик адаби Жамиила Эргашева "Интиком", "Қир устидаги аёл" каби кўтлаб асарлари билан маънавий тарбияга муносиб ҳисса кўшиб келаётган аёл эди. Вафотидан сўнг унга берилган мукофотни синглиси қабул қилиб олди.

– Опам вақтни жуда қадрлар эди. Ҳар бир сониясини яхши бир асарнинг бирор саҳифасини ёзишга, ўзи кўп йиллар бош мұҳаррирлик қилган "Аёл ва замон" газетасига материаллар тайёрлашга ёки ёнига кўмак сўраб келган бирорта аёлнинг ҳожатини чиқаришга сарфларди. Биз – жигарлари, қариндош-уругларга ҳам жуда меҳрибон эди. Бугун ўғли Жамшидбек, келини, неваралари Жўрабек ва Фарангизларда опамнинг гўзал фазилатларини кўриб кувонаман, – дея ёзувчи оиласи номидан миннатдорлик билдириди Ҳадича Қабулова.

**"Мўйтабар аёл" кўкрак нишонига сазовор бўлган аёлларнинг ҳар бирининг босиб ўтган йиллар ва ўйларида жамиятнинг юкига елка тутган, тутаётган комил фарзандлар, соглом оила ва шарафли меҳнат ютуқлари бор. Жамиятимиз улар ва уларга ҳавас қилган, улардан намуна олган инсонлар билан юксалиб бораверади.**

Кутлибека РАҲИМБОЕВА

# МЕНИНГ мактабларимдан бири



90-йилларда бир муддат "Саодат" журналида ишлаганман. Ҳамон у кунларни соғинч билан эслайман. Чунки бу даргоҳда ғаройиб бир ижодий муҳит бор эди. Айни шу ижодий муҳит бизга кўп нарса берди. Ҳалима Худойбердиева бош муҳаррир, мен бош муҳаррир ўринбосари эдим. Бу давр менинг ҳаётимда бир мактаб бўлган десам муболага бўлмайди. Каттагина бир ижодий гуруҳ эдик. Кун келиб бу ижодий гуруҳдагиларнинг, деярли, ҳаммаси юртнинг таниқли одамлари бўлиб етилдилар.

У замонлар "Саодат" журнали жуда катта агадда босилар эди. Мақолалар ҳам шунга яраша бўлиши керак эди. Биз кўпроқ ўзбек аёлининг дарду ташвишлари, муаммолари, қайғу-изтиробларини ёритиб беришга ҳаракат қилганимиз. Чунки мустабид тузум исканжасидан эндигина кутулган аёлларимиз ҳали қаддини кўтариб ололмаган эдилар. Улар эски замоннинг бешафқат армиясида ўлдирилган ўғилларининг догоида куяр, пахта қуллиги келтириб чиқарган касалликлардан азоб чекишар, хуллас, хорлик ва зорлик кўравериб, букилиб қолган эдилар. Бош

муҳарриримиз Ҳалима опа бу дардларни теран ҳис қиласди. Буни опанинг ўша пайтларда ёзган шеърларидан билса ҳам бўлади:


*Бирлашмадинг, кетма-кет бало келди, ўт келди.  
Тогдай йигитни солиб лопиллаб тобут келди.  
Сув бўлиб оқдик, кўздан жола келди, хут келди,  
Худо, тўзгин элимни бирлаштириб деб йигладим.*

Шунинг учун Ҳалима опа жамиятдаги оғрикли муаммоларни журналда кўтариб чиқишига, одамларимизни уйғоқлик ва ҳушёрикка чақиришига даъват этарди.

Яна бир нарсани айтиб ўтишим керак, ўша пайтларда "Саодат" журнали таҳририяти шоирлар ва адилар тез-тез келиб турадиган даргоҳга айланган эди. Ёзувчиликар уюшмасининг кичик бир филиали бўлиб қолганди, десак ҳам муболага бўлмайди. Муҳаммад Юсуф, Сирожиддин Сайид, Йўлдош Эшбек, Мирзо Кенжабек, Абдували Кутбиддин, яна кўплаб шоирларимиз ва адиларимиз билан бу ерда катта гурунглар бўларди. Дарвоке, журналга Шукур Холмирзаев ҳам келиб туради. Бу эса журналдаги ижодий муҳитга яхши таъсир кўрсатган. Бир нарса аниқ: шоирлар ва адилар серқатнов бўлган таҳририят, шубҳасиз, яхши таҳририят бўлади. Зоро, қайда ижодий рӯҳ баланд бўлса, улар ўша ерга боришга мойил бўладилар.

"Саодат" биз учун қадрдон журнал. Қарийб юз йил давомида оналаримиз, опа-сингилларимизга ҳамроҳ, ҳамсuxbat, ҳамдард бўлиб келган онаҳон журнал. Уни ўтган асрнинг 30-йилларида момоларимиз ўқишиган, 40-йилларида жуфти ҳалоллари урушга кетиб, соғинчдан ичи куйган аёллар ўқишиган, 60-йилларда пахта даласи бошида бешик тебратган ҳоргин оналар ўқишиган. 90-йиллардан сўнг истиқлол билан баравар қаддини тиклаган хотин-қизларимиз ўқишиган. Энди кўп шиддатли, кўп тезкор XXI асрда ҳам оқила қизларимизга "Саодат" ҳамроҳ бўлсин!

**Эшқобил ШУКУР,  
Ўзбекистонда хизмат кўрсатган маданият ҳодими.**



# Токим, бу дарёлар бемалол оқсин

**Ү**луг шоира Зулфияхоним билан учрашув баҳо-насида "Саодат" журналига илк қадам қўйган эдим. Мен учун ўша куннинг ранглари, оҳанглари, ифорлари ўзгача эди. Севинч, ҳаяжонлари, шеърият остонасида умид билан турган ёш қалбнинг ишончу орзулари ўзгача эди. Ўша табаррук кун то ҳануз қалбим тўрида шуълаланиб туради. Азиз устознинг ўғитлари мудом қулоқларим остида жаранглайверади. Юзлаб истеъодларнинг онаси бўлган "Саодат" журнали саҳифаларидан Ойдин Собирова, Саодат Шамсиева, Хосият Тиллахонова, Тожихон Шодиева ва яна ўнлаб бошқа фидойи аёлларимизнинг ақлли нигоҳлари бизга қараб тургандек туюлаверади...

Сўнгра мен бу кутлуғ даргоҳга шеърларида Турон кўнғироқлари жаранглаган, мудраган рухни бир эткин билан уйғотиб юборадиган севимли шоирамиз Ҳалима Худойбердиеванинг таклифлари билан ишга келдим. Мамлакат ижтимоий ҳаётининг энг оғриқли нуқталари ҳақида тайёрлаган публицистик мақолаларимиз "Саодат" журнали орқали миллионлаб хонадонларга кириб бораради. "Қутлуғ ташриф" каби янги ташкил қилинган руқнларда мамлакатимизнинг энг фидойи, эл илфор қатлами вакиллари журналхон билан учрашар, хатлар бўлимиға бетўхтов ёғилаётган мактублар Ҳалима Худойбердиева бошчилигидаги жамоа ишига берилаётган ҳаққоний баҳолар эди. "Саодат" журнали гўё Ўзбекистон аёллари қалбига тутилган кўзгуни эслатарди. Аёллар тинимсиз журналга хат орқали мурожаат қиласар, бош муҳаррир билан қалбини эзган изтироблар тутунини ечишга шошилар, бу даргоҳдан кўзлари ёниб уйларига қайтарди.

Журналда ёритилажак ҳар бир материал кичик хабаргача жиддий таҳлилдан ўтарди. Бир куни бош муҳаррир раҳбарлигига ўтаётган янги йил олди йиғилишида Ҳалима опа бизга юзланаркан: "Келаётган йилда эълон қиладиган материалларимиз янада ўқимишли, янада юкли, ўқувчиларимизнинг оғирини янада енгил қиладиган бўлиши керак. Кимда қандай тақлиф бор?" – дедилар. Ҳар биримиз – таникли адига Дилбар Сайдовадан тортиб ҳаммамиз ўйлаган режаларимизни ўртага ташладик. Журналнинг янги йилда нашр этилган биринчи сони қўлимизга теккан кун барчамиз у янада бошқача ва жозибали чиққани билан бир-биримизни кутлар эдик. Шунда мен ишлаётган бўлим орқали тайёрланган "УМИД-РОСТ ТАДБИРЛАРДА" деб номланган давра суҳбати билан журналнинг илк саҳифалари очилган бўлиб, ушбу суҳбатда экологик бухронлар туфайли мамлакат ижтимоий ҳаётида юзага келаётган муаммолар санаб ўтилган, ҳалқимиз ишонган улуғлар – Ўзбекистон Қаҳрамони Эркин Воҳидов, машҳур гиёҳшунос олим Қаҳҳор Ҳожиматов, тиббиёт тизимидағи олимлар ва шифокорлар, эл танийдиган самарқандлик Fani ота каби боғбонлар иштирок этган эди.



Бош муҳаррир бошчилигига биз ҳалқ орасида кўп учрашувлар ўтказар эдик. "Саодат" журналида ишлайдиган ҳамкасларимизга кўпчилик ҳавас билан қарап, унда ишлаш аксарият ижодкорларнинг орзуси эди.

Ҳа, "Саодат" журнали тарихига назар солсак, улуғларимиз босиб ўтган табаррук изларни ва ортдан келаётган ўрик гулларидай ифорли ёш авлодни кўрамиз. Бугуннинг "Саодат"и саҳифаларида Истиқлол Ватани ва унинг аёли бўй-бастини, орзуларининг, меҳнатининг рўёбини кўрамиз. Умид чечакларининг муаттар оламига боқийлик тилаймиз.

Яна улуғларимизга қайтаман. Улар ўзларидан "Саодат" атальмиш мангу яшил боғ қолдирди. Мен ҳам шу боғ эткинларидан баҳраманд бўлдим, бу хотираларнинг ҳар бири эса бир умрга татигулик. Зоро, шоир ёзганидек:

*Битта дунё қолсин мустаҳкам,  
Унга посон бўлсин ўткир шеъримиз.  
Токим, бу дарёлар bemalol oqsin,  
Bolalarغا қолсин жаннат еrimiz.*

**Шарифа САЛИМОВА,**  
**Ўзбекистонда хизмат кўрсатган**  
**маданият ходими.**


# ТЕПАЛИКДАГИ оҳанғ

(“Бир дўмбира қисмати”  
бадиий-публицистик  
қиссасидан парча)

Газетанинг навбатдаги сони Наврӯз байрамига бағишланадиган бўлди. Бундай пайтда шаҳардаги тантаналардан репортаж тайёрлайман, дегувчилар тез топилади. Ўтган иили семинарларнинг бирида кўштепалик кекса адабиёт ўқитувчиси Норқизил Панжиевнинг ўз қишлоғига таклиф этгани ёдимга тушди.

Муҳарриримиздан сўраб, котибамиз Зиёданни ҳам йўлга ҳамроҳ қилиб олдим. Бир соатдан ортикроқ вақтим йўлда ўтди. Мактабда иккичи соат бошлиган экан. Ўқитувчилар хонасига борганимда Норқизил муаллимнинг ёзда пенсияга чиқканлигини, айни пайтда ўн-ўн бешта кўй қилиб, Кўштепага чиқиб кетганини, ҳар куни шомда қайтишини айтишди. Вақт тифиз, сабрим чидамай мен ҳам тепаликка чиқишига ошиқдим. Каршининг теп-текис йўлларида юриш бошқа-ю, тепаликка кўтарилиш бошқа. Кекса ўқитувчи ишғол қилган баландликка чиқолмай, ортга қайтишдан ор қилдик.

Мана, ниҳоят баландликдамиз. Бор бўй-басти билан пойимизда намоён бўлган, бўй қизнинг чимирилган қошидек тулашиб, ёнма-ён турган икки қир ўсма эмгандек кўм-кўк. Эндинга бош кўтараётган нимжонгина ўтлар офтобнинг нурларига интизор-илҳақ, беҳол титрайди. Ҳамалнинг кириб келишига ҳам оз қолибди. Кечагина ёққан ёмғирнинг ва ўт-ўланларнинг иси баҳор келаётганидан дарак бераяпти. Ҳадемай улар кучга кириб, кўкпатли гиламдек қирни эгаллади. Бундай лаҳзаларда күшлар каби қанот боғлаб, кенгликлар сари учгинг келади. Табиат ва сен. Айни дамда тирикликтин ўзиданоқ нашъя тўйсанг, умр елдек ўтиб кетаётганидан маҳзун тортасан. Баҳор отлиқ чавандоз ёнингдан неча бор ўтиб кетди? Қайбирининг кўлидан тутдинг-у, қайбирининг келиб-кетганини ҳам пайқамай қолдинг? Баҳор кўз олдингдан ўтдими ёки кўнглинг туб-тубидан. Баландликдан туриб, фикрлаш осондек туюларкан. Ахир, қанотсиз одам боласининг қувончу ташвишлари пастда. Бўйи билан баравар турмуш юкидан гоҳ эглиб, гоҳ кеккайиб яшаяпти. Шу сабабким, баланд тоғларга, қирларга бир бор чиқиб, ўз юкидан баланд турмоқ истаб қолади киши.



Ха, тепада кўзларинг тиниб, кулокларинг том битиб қолган-дек бўласан. Кўксингни тўлдириб нафас оласан, эркин нафас. Вужудинг ила ўрган юрагингга ҳам кенглик керак бўлади. Осмонга термиласан. Осмон билан ер бирлашгандек, нурдан либос кийган илоҳий қўшиклар кўнгилга оқади. Уни ҳаводек ютоқиб симирасан. “Ҳайто-хўйт!”. Тирикликтин бу овози сергаклантиради. Хоҳишингни, истакларингни чегаралаб атрофга қарайсан. Ана, чўпон бир уюр кўй-эҷқиларни қайириб қайтаяпти. Оқ қалтарлар пастга эниб, қишлоқдаги дараҳтлар орасидан кўриниб турган томларга кўнади. Қирнинг ўнгирида жойлашган қишлоқнинг кираверишида жойлашган мактаб биноси дов-дараҳтлар орасидан оқариб кўриниб туриди. Ўнг томонида спорт майдони. Танаффус бўлдими, сукунатнинг юрагини ёриб, шўх-шодон овозлар уйғунлашиб, бир жарангдор куй ҳосил қилди. Эҳтимол, уни тинчлик куйи, деб атаса жоиз бўлар.

Пастга энганинг сари фам-ташвишлар ростлигини тан ола бошлисан. Тепаликда туриб, ўйлаган фикрларинг пастга тўғри келмайди. Пастдагилар ҳам баравар тепага кўтарилишса, шунда бирон ўзгариш бўлар. Бу кўтарилиш эса фақат Наврӯзда юз бериши мумкин.

Хутнинг сўнгги кунлари бўлганлиги боис қўёш нурлари кишига хуш ёқади. Ҳар замон узоқлашгиси келмаётган қиш совуқ эпкинини юборади. Эндинга униб чиқаётган бу майсалар бир қарич бўлганидан ё ўроққа, ёки кўй-кўзиларга ем бўлиши ҳақида ўйлармикан, балки шу сабаб енгилгина титрашаётгандир. Ёнки қўёш нурларига осилиб, кўкка қадар бўй чўзамиз, дермикан. Ўт-ўланларнинг, қушларнинг тилига тушунсак, яшаш осон бўлармиди, балким.

Кеча ҳам бу қирларда орзулар уммонида сузганлар борлигига, бугун ва эртага ҳам қирга кимдир чиқиб-тушишига ишонасан. Қишлоқнинг яхши-ёмон кунига гувоҳ бу забонсиз қир қанча ийлбошини ўтказган бўлса. Яхши-ёмонни елкасида бирдек кўтариб, қувонган, эзилган, топталган, балки пинҳона оққан кўз ёшларини шимган. Бугун эса юраги тарс ёрилгудек бўлиб навбаҳорни кутяпти. Наврӯз байрамига ҳам саноқли кунлар қолди.

Мактаб директори бизга қўшиб юборган бола Норқизил муаллимни топиб, бизни кўрсатди.

Ўрта бўйли, икки юзидан қон тегиб турадиган, миқти гавдасига нисбатан эпчил ва чайирлиги сезилиб турадиган муаллим тез-тез юриб, ёнимизга келди. Муаллимнинг қўлида қизғиши заранг таёк. Негадир шу таёкни муаллимнинг ўзига ўхшатдим. Ёмон одатим бор. Болалигимда далага чиқсан, ҳамманинг кетмони ўзига ўхшайди, деб ўйлардим ва кетмонда эгасининг юзини кўйардим.

– Наврўз ҳақида ёзишим керак, қўштепаликларнинг ийлбошисини роса мақтагандингиз, – дедим саломалик қиласканмиз.

Норқизил муаллимнинг айтишича, қўштепаликлар хар йили Наврўзни шу қирда нишонлади. Шоду хуррамлик қирдаги жимликини бузиб, куй-қўшиқлар янграйди. Кимdir келида атай кўкартирилган буғдойни тўйса, кимdir унинг оппоқ ширасини қозонга тўкиб келади. Юзига доғ тушган ҳомилали келинчаклар буғдой ширасига юзларини артишади. Сумалак ковлашни бошлаган момоларга ёнғоқ беришади. Аёл кўзи ёриган пайт сумалакда қайнаб чиқсан ёнғоқ мағзи билан юзини артса доФлар кетармиш. Ҳа, қўштепаликларнинг атирупаси ҳам, дори-дармони ҳам табиат. Ийлбошига тараффуд кўриш буғдой кўкартириш билан бошланади. Ҳам энгил-боши, ҳам қўнгли тоза, рўзгори саранжом-саришта, фарзандлари қобил кайвони аёл аввал ўн-үн беш кило сара буғдойни ювиб, дока ташланган катта тўқима сават устига ёяди. Бу иш Наврўздан бир ҳафта олдин бошланади. Агар вакт тўғри ҳисобга олинмаса, буғдой майсаси хиёл зиёда ўсса, сумалак аччиқроқ таъм ҳосил қиласди. Унда буғдой кўкартирган аёлнинг боши балога қолади. Майсанни ўтказиб юборибди, деган таънани бир йил эшитиб юришнинг ўзи бўлмайди. Шу боис бу машаққатли иш ҳар йили Зайпа момонинг чекига тушаркан. Майсанинг ширасини олиш ҳам осон иш эмас. Бу юмуш билаги бакувват, покиза жувонларга топширилади. Қўштепаликнинг сумалаги жуда куюқ бўлади. Улар суюқ сумалакни хом деб ўйлашади. Муаллимнинг фикрича, суюқ сумалак ошқозон-ичак касалликларига фойда бўлади. Зарда қўзғамайди. Куюқ сумалак эса қанча сақланса ҳам, айнимайди. Илигуздидан ўтказиб, сумалак пишиғигача туради. Қишида озгина саримой солинса, юмшоқ, хузурижон бўларкан.

Наврўз дастурхондаги турли таомлар, кўксомсалар ейиш билангина ўтиб кетса, келгуси йил Наврўз келишини қишлоқ ахли шунчалар орзиқиб кутармиди? Йўқ, албатта. Тўкин дастурхон уларнинг қўнглини тўлди-ролмайди. Урф-одатлар, айтишувлар, миллий ўйинлар билан биргаликда достонларни асрдан-асрга, оғиздан-огизга олиб ўтувчи кўприкдир бу байрам. Боз устига қўнгилларда ҳар йили янгидан куртак отадиган баҳорий ҳис-туйғуларни ҳам Наврўз туфайли куз шамолидан, қишининг заҳридан асраб қоламиз. Шу боисми, байрамга тадорик қўраётгандар ўқтинг-ўқтинг йўл қарашади. Қишлоқдан атай вакил юборишган. Келяйтими? Бошка жойга кетиб қолмадимикан? Қозонда ёғ догоётгандар ҳам, сабзи тўғраётгандар ҳам бир-бир тўхтаб йўл қарашади. Ниҳоят, бола-бакранинг пастига қараб қийқириб, югуриб кетаётгандигидан хотиржамлик хукмрон бўлади. “Ҳай-ҳая. Раббимов!” Бу қадрдан овозни эшитишмаса уларга байрам татимайди. Қўзлар кулади, юзларга табассум балқииди. Дўмбиралинг оҳангиди Наврўз байра-

ми бошланганидан дарак беради. Гўёки дўмбира унинг руҳидек, қирга жон киради. Ҳамма юмушини тезроқ тугаллашга, қадим оҳангларга пешвоз чиқишида.

Дўмбира сайрайти. Мусиқий алифбонинг ҳеч қайси қонуниятларига бўйсунмаган қайсар, тепаликка интилаётгандарнинг қалбидек шаддод, тўпори, покдамон. Кўнгиллар яйраяпти. Баъзан маҳзун, баъзан шодон бу оҳанг ўзанига сифмай оқаётган асов дарёдек тўполон билан бориб, эл кўнглига кўйилаёттир. Неча асрлар давомида не-не қирғинбарот урушлар, талон-тарожлару босқинларни кўрган бу эл қатори дўмбира ҳам ўз бошида не-не синоатларни кўрди. Балки, шу боис у назокатли давраларда, қасрларда эмас, кенг далаларда, қирларда, тўй-байрамларда етти ёшдан етмиш ёшгача бўлган кишиларни бир жойга тўплай олар. Муаллим бу жойларда достон айтиб, терма тузадигандарни шойир дейишиади, деди. Қишлоқ ахли қора қошлари барок, катта-катта қўзлари қўкимтири, ўрта бўй, саксонни қаршиласа-да йигитлардек эпчил ва хушчақча шойирига қараганда қўзлари ёшланади.

*Қўштепада қўшкарнайлар ҳозирми,  
Баҳорой кеп қирга хатин ёзирми,  
Қизгалдоқлар қизарган бу тепада  
Ой қизларим дастурхонлар ёзирми.*

Шойир дўмбираи чертганча даврадагиларни айланаб, айланаб давом этади:

*Бошима тож кўрдим хумоли,  
Дунё кенг, мен битта чумоли,  
Тоғларнинг бошини ўраган,  
Момомнинг армонли рўмоли.*

Сумалак бошидаги Зайпа момо ўзига тикилиб терма айтётган шойирдан, тушиб кетган тишларини яширибми ёки ҳаё босибми, шимарилган кенг енгларини тушириб, оғзини оқ рўмолининг бир уни билан бекитиб кулади ва дўмбира оҳангига монанд бош тебратиб, муқом қиласди. Шойир момонинг муқомига мос бош тебратиб, ундан нари кетади.

– Сумалак пиширишда Зайпа момодан ўтадигани йўқ, – дейди Норқизил муаллим. – Бирор баҳор пишири маса касал бўлади. Сумалак пишириш, Наврўз ўтказиш хурофот, деган йилларда ҳам бостири маси остида яширинча сумалак тайёрлаган шу момо-да. Эртаси кун эҳтиёткорликни унутиб, қўни-қўшнига илиниб, бир пиёладан тарқатиб чиқаётгандан чакув бўлиб қўлга тушган. Селсоветти раисига “Етти йил узмай сумалак пиширишм керак. Уч йили қолди. Кейин бас қиласман”, депти. Ўшанда “Мана сенга етти йил”, деб елкасига етти марта қамчин билан урган экан раис.

– Нега етти йил пиширишга мажбур бўлган? – дейман сухбатдошимга ажабланиб.

– Сумалак пиширган, гўр кавлаган мардум етти йилсиз шу касбини ташламаслиги керак. Хосиятсиз бўлади, деб ирим қилинади. Кексалар осонгина қилиб “ёмон бўлади”, деб қўйишарди. Эҳтимол, икки иш ҳам фоят масъулиятли, оғир бўлгани учун бош тортиш осон бўлмасин, деб шундай дейишгандир. Ҳозир момонинг куни тукқан. Сумалакка ўзи кайвонилик қиласди. Ҳали-ҳануз елкасида етти қамчининг изи бормиши.

– Наврўздан гапираётгандим-а, – дейди муаллим чўғни ковлаб. Кейин шойир Зайпа момодан узоқлашиб, дошқозон атрофида ўралашиб, бири олов ёқаётган, бири қозонга гуруч солаётган, бири сув келтираётган, чопонининг ўнгирини қайириб олган ёш йигитларга меҳр билан тикилиб, кўзи ёшланади:

**Қалдирғоч қанотин қоқами,  
Бирор енг, бирори ёқами,  
Тинчлиги бўлмаса замоннинг  
Кўнгилга байрамлар ёқами?**

Қатор терилган таомларга, кўк печагу сомсаларга шойир сукланиб қарайди. Атрофдагилар кулгудан лаблунжини ийғиштиромай, “курғур, жа бало-да” деб, бирбирига гап беришади. Айниқса, аллақачон юзи кир бўлиб, лаблари атрофида овқат юки қотган болакайлар суюнгандаридан оғзилари қулогида бўлиб, ўзининг ортидан эргашиб юрганлари, толхивични дўмбира қилиб, унга тақлид қилишаётгандарига қараб, димоги чоғ бўлади:

**Ўзбегим байрови баландdir,  
Кўнглим ҳам давронга монандdir.  
Мен шўх-шўх куйласам ярасур,  
Оғзимда асалу ҳам қандdir.**

Шойир энди жунбушга келади. “Ҳай-ҳая” дея нафас узмай, авжга чиқади. Қоқма гиламларнинг бирига тиззаси билан чўкиб, кенгликларга қараб, овозини баланд қўяди:

**Садаганг кетайин, Наврўзим,  
Пойингга пояндоz мен ўзим,  
Сумалак ҳидидан айланай,  
Қутли кел, қувонсин ул-қизим.**

Кўпчилик шойир қараган тарафга бурилади. Гўёки Наврўз ўша тарафдан келаётгандек қийқириб юборишиди. Шойир “ҳай-ҳай”лаб ўзи учун аталган қип-қизил чўфдек банотдан қилинган қалин кўрпачага ўтиради. Кайвонилар унинг атрофида давра тортиб, дуога қўл очишиади.

– Бундай замонларнинг садағаси кетсанг арзиди, – дейди шойир ҳамқишлоқлари билан сўрашаётib. Эҳ, шу куни Кўштепа Жамшид даврида ҳам бўлмаган базмга гувоҳ бўлади.

Тегирмонга ташласа бутун чиқадиган шойир терма айтиб, роса терлайди. Эвазига қишлоқ чеварлари гулпахтадан (кўлда чигитланган пахта) қўйиб қавилган гупичопон, қалпоқ, от устига ташланадиган баҳмал чирги ва 5-6 сўм аталган пуллар билан сийлашади. Охирида яқинда келин бўлган, атлас кўйлаклар устидан қубба халат кийган, юзига ҳарир парда ташлаб таъзим қилаётган келинчаклар шойирга ва оқсоқолларга таъзим қилишади:

**Чаккангга таққанинг гул бўлсин,  
Каштага тикканинг ўйл бўлсин,  
Қўша қарип юргин, Келиной,  
Дилингга тукканинг ул бўлсин.**

Келинларнинг юзи шолғомдек қизариб кетади. Ўспирин йигитлар, бўй қизлар ҳам термалардан куруқ қолишмайди. Йигит-қизларнинг давра ошиб, бир-бирига боқиб турган кўзлари ёниб кетади. Орада кўпкари ўтказилади. Бу Наврўзни тафти келгуси баҳоргacha юракларга кўр бериб туриши аниқ. Шу куни сумалак тарқатилгач, хонадонларнинг бирида катта-кичик тўпланиб, шойирнинг мунгли достонларини тинглашади. Бир-бири учун жон фидо қилгувчи ошиклар, учар қаноти бор отларнинг вафоси. Йигитнинг лафзи, қизнинг ор-номуси, элу хешдан айрилганда бошга тушиши мумкин бўлган савдолар,



ёвузликка қарши кураш лозимлиги, меҳр-оқибат түгрисидаги достонлар ҳаммани маҳлиё қиласы. Дүмбіранинг соңынан, соңынан оғанға күнгилларни ўртаб, йигилгандарни йиглатады. Дарди дилига сиғмай, йиголомай юрганлар хам шу кече достон қаҳрамонлари тақдиринг, аслида үз дардига күйіб, күнглини бүшатиб олади. Майдың соңында турмуш икир-чикирларига ўралашиб қолғанлар ҳаётта яна қандайдыр түйгулар борлығига, қаңондир мұжиза ҳам соң бериси мумкінлігін ашонишады. Күшнисига тиши қайраб юрганлар шайтонға “хай” беришады. Нафрат, адоват, гурбат инсонның тез қаритады. Жилем курса инсон Наврұзда күнглидегі бу иллатларни сиқиб чиқарып, бир тозаланиши керак. Түйгулар янгиланады, күнгиллар тозарып, ёшарады. Болалар достон қаҳрамонларига әрғашады. Алпомищек бўлишини исташса, нимаси ёмон!

Хуллас, құштепаликлар дүмбіраси ва шойири бўлмаган жойларга жуда ачинишады. “Қишлоғимизда бунчы “Нексия”, шунча иномарка бор, бунчы данғиллама ҳовли бор”, дегувчиларни битта бўлсаям дүмбіраларинг борми, деб мот қилишади.

– Дарвоқе, – деди муаллим. – Құштепанинг күпкари-си ҳақида гапириб берай. Арафада катта күпкари уюштирамиз. Қир атрофини Бойчибору Фиротлар, Қиркүйлар айланады. Бу ёғи Деконовот, Бойсун, Шеровот, Ургут, Жом, Яккаводи чавандозлари ҳам етиб келади. Күпкаридаям ҳикмат кўп. Отларнинг ёллари силкиниб, пишқириб келаётганини кўрсанг, ростдан отнинг деви бор, деб ўйлайсан. Шунда шойирнинг достонлари эртакмас, бор гап деб иккиланиб қоласан. Чанг-тўзуну иссиқда қизариб-бўғриқан чавандозларнинг ўт чатнаган кўзлари улоқдан бошқани кўрмайди. Шунақанги ўтади бизда Наврұз.

– Ўхшатиб айтиб бердингиз. Гўё ўзим қатнашгандай бўлдим.

– Газетингни шапалоқдай жойига бизани шунча катта байрамимизни қандай сиғдиришинг мумкин? – дейди муаллим қаҳ-қаҳ отиб куларкан.

– Ҳақ гап. Бунча тадорик, бунча қувонч ва дардни бир саҳифага сиғдириш қийин. Битта саволимга шунча жавоб бердингиз. Адабиёт ўқитувчиси бўлғанлигинги учун, чечансиз-да. Наврӯз ҳозир бўлиб ўтгандек туюлди, – дейман муаллимга. Норқизил муаллим қойил қилдимми, дегандек куюқ қошлирини кериб кўйди.

Қай юртларга бориб, омонлиқда қайтаётган турналар бошим узра қўшиқ айтиб ўтиб кетишиди. Хотиржамлик билан уйғунлашган шукронга бор эди уларнинг қўшиғида. Қуёшсевар бу қушлар бизга ўхшаб кетади, гўё. Улар ҳам ҳамиша нурга интилади. Норқизил бува билан суҳбатимиз яна давом этди. Чойгума чой қайнайти.

– Ўзимизнинг чой яхши. Бир чимдим ялпиз, озрок зира, кўк чой, – деб мақтайди чойни қайтараётib.

Тўғриси, чойдан заминнинг ҳиди, баҳор ҳиди келиб турибди. Чойни ича-ича бува шойир ҳақида сўйлайди. “Туф-туф, кўз тегмасин, бундай замонлар келаракан, шойирди кўкайигаям офтоб тегаракан, ҳай-ҳай кўролмай кетганлар увол”. Норқизил бува кўпкаридан кейин қишлоқдан чиқиб кетадиган шойир ҳақида сўзлади. Йилда бир – фақат Наврӯзда келадиган шойирнинг ҳаётини сокин кўнглимни ағдар-тўнтар қилиб ташлади. Қора қозонча тагига ёқилаётган ўтин туруни кўзларимни ачитиб, нафасимни бўғди. Сал нари бориб, баҳорнинг шамолига юз тутдим.

**Ҳафиза ЭГАМБЕРДИЕВА**



## Ушалган орзу

Қандай шароитда ўсган бўлишидан қатъи назар, ҳар бир инсоннинг кўнглида орзулари бўлади. Менинг онажоним Шоҳида ая ҳам мактабда яхши ўқиган. Етуклик гувоҳномасини олгач, институтларга кириб ўқиши орзу қилган. Аммо тақдир онамга бошқачароқ ҳаёт ато этган. Онамнинг дадалари – бувам 39 ёшида бевакт дунёдан ўтганлар. Бувим 5 нафар фарзанд билан рўзгор юкини якка ўзлари тортишга тўғри келган. Онам оиланинг тўнгич фарзанди бўлғанлиги учун эрта тирикчилик ташвишларини елкасига олишга мажбур бўлган. Мактабдан бўшади дегунча бувимнинг ёнларига кирган. Ҳовлиларида озми-кўпми мевали дараҳтлари бор экан, пишгач, бозорга олиб бориб сотган эканлар. Шу-шу савдо билан шуғулланиб кетганлар. Онам оиласа, бувимга таянч бўлғанларидан нечоғлик суюнсалар ҳам, орзулари армон бўлгани учун ҳамиша ўқиниб яшаганлар. Биз оиласа ҳозир 5 нафар фарзандмиз. Аслида онам 3 нафар фарзанд кўрганлар, 2 нафари сингиллари – холамнинг фарзандлари. Холам ва уларнинг турмуш ўртоқлари бевакт оламдан ўтгандан кейин онам үз жигарининг зурриётларининг қаровсиз қолишини истамади ва жиянларини уйга олиб келдилар. Ҳозир ҳаммамиз аҳил, иноқ оила бўлиб Чирчик шаҳрида яшаймиз. Ойим бизнинг ўқишимизга катта эътибор берадилар.

– Катта емасам кичик ерман, аммо сизларнинг ҳаммаларингизни ўқитаман, – дейдилар. Дадажоним ҳам шу фикрдалар. Иккита опам талаба. Ирода опам Ўзбекистон давлат жисмоний тарбия, Шаҳноза опам эса Тошкент давлат педагогика университетларида таълим олишмоқда. Онам опаларимни:

– Сизлар менинг ушалган орзуларимизслар, – деб эркалайдилар. Мен ҳам онажонимдан шундай гапларини эшиттим келади. Анчадан бўён наср ва публицистика йўналишларида машқлар қиламан. Ёзганларим матбуотда чиқяпти. Насиб қилса, мен ҳам онажонимнинг ушалган орзуларидан бири бўламан.

**Зарина ИБРОҲИМОВА,  
Чирчик шаҳридаги 11-мактабнинг  
9-синф ўқувчиси.**

# ОРЗУ ҚАНОТИДА УЧМОҚНИ ЎРГАН...



## БАРДОШ

Дунёга келдингми, яшамогинг шарт,  
Тақдирда борига шукронга айтиб.  
Синглим, кўзингдаги ёшларинги арт,  
Жилмай, болаликнинг бағрига қайтиб.

Янги тонг отяпти, қалбингга ишон!  
Қўёш нурларига боқ умид билан.  
Дилдаги дардларинг унумтиб шу он,  
Яша, ганимларнинг сўзидан баланд!

Биламан, хотирлар дилни ёқади,  
Бахордай уйғону очил лоладай.  
Ва албат, дунёлар кулиб боқади,  
Бахт бағрингга ўзин отар боладай.

Шунчаки кечиргил, дўсту ганимни,  
Кўнглингда қолмасин ҳеч гина ё ўч.  
Ҳаловат аллалар руҳинг-танингни,  
Борин унумтоққа топа олсанг куч.

Қоқилган биргина сенмас дунёда,  
Инсон кўп, юраги мингямоқ юрган...  
Қайгулардан холи, гамдан озода,  
Орзу қанотида учмоқни ўрган.

Яна юрагинги мөхрға тўлдири,  
Ишонч-ла одимла ёргу эртанинга.  
Озири, лек қалбадаги риёни ўлдири,  
Гарчи ханжарлари ботар елкангга.

Ишон! Бир кун келар, қўлингдан тутиб,  
Омад боқар, ёник низоҳида чўг.  
Шунда бил, гамларинг буткул унумтиб,  
Дегайсан, “Дунёда мендан баҳтли ўйқ!”

Синглим, кўзингдаги ёшларинги арт.

**Зилола ХўЖАНИЁЗОВА** “Юрагимда бир гул ўсади”, “Дил шеваси”, “Кўнгилга ўйл” шеърий тўпламлари ҳамда “Публицистика ва ёшлар маънавий идеали”, “Оммавий ахборот воситалари ва жамоатчилик назорати”, “Оила - тарих ва тараққиёт силсиласида” илмий-публицистик рисолалар муаллифи.

Бугунги кунда “Ўзстандарт” агентлигида Ахборот хизмати раҳбари сифатида фаолият олиб бормоқда.

## БИЗНИКИДИР БУ ЁРУФ КУНЛАР

Кўтариңг кўнгилни, кўтариңг руҳни,  
Кубро кўтаргандаи сарбаланд тувни.  
Фурур ва матонат биз билган маслак,  
Ҳар ким жилмайганча босолмас чўғни.  
Ҳали олдимизда энг ёргу кунлар.

Илло, тик қоянинг ўз почини бор,  
Калхатнинг чираниб учгани бекор.  
Кўм-кўк осмонига ярашади сор,  
Руҳи юксакларга кенгликлар-да тор.  
Ҳали олдимизда энг ёргу кунлар.

Ҳар умр долгали, ёмғир-қори бор,  
Баъзида бўласан айбисиз айбдор.  
Тақдирнинг ўйлари гоҳ кенгши, гоҳ тор  
Оппоқ орзумизм бўлсин кўзтумор,  
Ҳали олдимизда энг ёргу кунлар.

Бу ҳаёт имтиҳон, синовли дунё,  
Риёлар ўтқинчи мангулас, асло.  
Ҳақнинг ёзугида битилса, зеро,  
Ўзанига тошиб қайтууси дарё.  
Албат, бизникидир энг ёргу кунлар.

Меними бу ўйлар алдайди,  
Алдайди қарогинг қароси.  
Юракни бир нави қилди-я,  
Ишқ тутган боданинг балоси.  
Райхоннинг бўйлари ширин-ей,  
Шириндир муҳаббат ўйлари.  
Ёронгул сақлолмай сирим-ей,  
Бахорга борини гуллади.  
Гуллади равоқда тул овоч,  
Танга нур тушди баҳт илгидан.  
Кўзларингга беркит, қалдиргоч.  
Бу сирни гулламай тилгинам...

Ё раб, кимга сўйлай дилда аламни,  
Боримни бағримдан юлиб кетди куз.  
Бир он тингламади, додим ноламни,  
Фурсат қолдирмади айтмоққа сўнгсуз.

Куловим остида онамнинг саси,  
“Узок ўйлдан толмай келдингми, болам?”  
Дилим қожирайди, куяр нафасим,  
Онамсиз кенгайиб қолдими олам?!

Битдими қисматим нурли куни ё?  
Руҳафзо тушларим келмасми ўнгги.  
Типлоранг рақсига этиб маҳлиё,  
Куз ютди шодлигим, умидим... сўнгги.

Ўтар вариб кунлар далли, дилозор,  
Кимдан меҳр тилай, сиздан зиёда.  
Согинганим отам кўрсайдим бир бор,  
Она, дийдор энди қайси дунёда?!

Тун, борлигим караҳт, бедор ўйларим,  
Англоб улгурмайман росту рўёни.  
Умрнинг лаҳзалик эканин сўйлар,  
Отамнинг устунда қолган чопони.

Мен төгман!  
Оёғим замингга ботиб,  
Кўлларим фалакка чўзилган.  
Мен төгман!  
Қорликдан қабр ясалиб,  
Үнга тириклиайн кўмилган.  
Осмонга қадалган қўлларим ҳамон,  
Ёлғиз сивинганим ўзингсан, тангрим.  
Паноҳингда кутгум муруват-эҳсон,  
Тоатдан сингунча токи қўлларим...

# СИЗДАН МЕНГА НУРЛАР КЕЛАР ОСМОН-ОСМОН...

Озода БЕКМУРОДОВАНИНГ “Дилрабо ОҚ Шомлар”, “Юрак зарблари” шеърий түпламлари нашр этилган. Ҳозир Ўзбекистон Миллий ахборот агентлигигида хизмат қиласди.

## ХИРГОЙИ

Мангу тонглар  
Отмогидан умидим бор,  
Токи маҳшар илтижо-бехудудим бор.  
“Гул танамни хор этма ёт элларда  
Ўлгунимча сайисинг бўлай, бойчубор”.<sup>1</sup>

Мен билмадим агёр қандай бўлишини,  
Қародаги осмон қандай сўнишини,  
Волидамнинг паймонаси тўлишини,  
Юрагимнинг муз тогида ёнишини.

Гул вақтимнинг боладаин жим ўксиниб,  
Бир сўз демай ҳижронларга кўнишини.  
Руҳим маним юксакларга хур юкиниб,  
Муқаддас бир садоларга дўнишини.

Бинафшаранг кунлар ёди учиб юрап,  
Орзуларим ифорини кучиб юрап,  
Яратганнинг дарчасидан бир имо бор  
Кўнглим ҳурлар дарёсини кечиб юрап.

(1. “Алломиши” достонидан)

Элим десам юрагимга нур кирап,  
Томиримга осмон кирап, сир кирап.  
Борлигимда бир илтижо ҳайқирап;  
Элим десам икки дунём гуркирап!  
О, билмайман бу қандайин табобат,  
Тошин қучсан топгайдурман ҳаловат.  
Олислардан сөвинч тортиб келганда,  
Кўксимдаги гамлар эрур тоабад.  
Шу тупровнинг гулиман, гавҳариман,  
Тоғларининг бошидаги зариман,  
Кўк ишқида учиб кетган кушману,  
Кел деганда келадиган, бориман.  
Шу борлиқнинг шамолига юз чайсам,  
Шу кенгликнинг камолида улгайсам,  
Исмим айтсан, танисайди гиёхлар,  
Исмин айтса, дунёларига ўйсам.  
Юрагимга қувват керак, ёронлар,  
Менга синмас қанот керак, ёронлар,  
Элим десам, бизникисан, десалар,  
Менга шундай дастхат керак, ёронлар.  
Менга шундай нурхат керак, ёронлар!

## ОҚ КУНЛАР ҲАЖРИ...

Онам осмон эди,  
Отам тов эди.  
Еру осмон сеҳрли нурбоз эди.  
Кўзим кўнгил эди,  
Кўнглим соғ эди,  
Шодликлари тугамаган чог эди.  
Тунлар шукух, зар аралаши тонг эди.  
Чексизликнинг чодирлари кенг эди.  
Ўйламасдан ўйнаб-кулиб чопардим,  
Ёргу тушларимнинг бари ўнг эди.  
Волидамнинг бағри мангу баҳорим,  
Мойчечаклар табассуми баҳт эди.  
Минг айтшса нигоҳларнинг изҳори  
Бир қайршиб боқмаганим вақт эди.  
Фаслларнинг жами кўклам лолазор,  
Лаҳзаларнинг ҳеч саноги ўйқ эди,  
Юлдузларнинг шуъласига қарасам,  
Малакмисол бир гуноҳим ўйқ эди.  
Бутун олам дўстим эди, қадррон,  
Шодлик сувин сочар эди тўрт томон.  
Кўл узатсан, қанот ёзган турналар,  
Нега қайтиб келмаяпти, ёрижон,  
...Ерижон...

Сиздан менга нурлар келар осмон-осмон,  
Юрагимда шодликларим хирмон-хирмон.  
Ҳаётимнинг маъносини топгандайман,  
Ишқ ахлининг шаробидан топгандайман.

Эй, қалбимнинг бу дунёда ёргу куйи,  
Балки, сизни излаганман умрим бўйи,  
Сизни кўрган рўйларни, суйиб-суйиб,  
Тириклик дунёсидан ўтгандайман.

Пасту баланд кўчаларда зору сарсон,  
Ўтган кетган нечаларга бўлиб ҳайрон,  
Ийвлаб кетди мендан қанча давру даврон,  
Яшамасдан, бу кунларни кутгандайман!

Сизни кўрган лаҳзаларим афсонадур,  
Исмингизнинг шуъласидан мастонаадур,  
(Менам дилдор, бир сўйладим Султонимга)  
Икки дунё бу сўзларим ягонадур!

Сиздан менга нурлар келар осмон-осмон,  
Юрагимда шодликларим хирмон-хирмон.  
Ҳаётимнинг маъносини топгандайман,  
Ишқ ахлининг шаробидан топгандайман.



Йиқилганим ўйқ, Нажот,  
Қоқилиб кетдим тошга,  
Кўнглим қонағани ўйқ,  
Ишон, ёнмайман бошка.

Қисматнинг қирговида  
Бағрим бироз тилинди.  
Сенга тонг бермоқчиидим.  
Ёлгизлигим билинди.

Нур тилаб олганим ўйқ.  
Сўнин қораҷиқлардан.  
Куёшим ўзимнику,  
Үтим баланд чўвлардан.

Ғимир-ғимир юрганлар.  
Жимир-жимир қунганилар,  
Тованимга ҳам келмас,  
Мисдан зийнат илганлар.

Қисматнинг фалагида.  
Кўнглим кундай тутилган,  
Кечиргин, жонга бандим,  
Мактуб шундай битилган.

Нур тилаб олганим ўйқ,  
Сўнин қораҷиқлардан.  
Нигоҳимни узганман,  
Алангасиз чўвлардан.

# УЗУМИНИ ЕБ, БОҒИНИ ҲАМ СУРИШТИРИНГ...

**Президентимиз  
Шавкат Мирзиёев  
Тошкент шаҳрида  
амалга оширилиши  
режалаштирилган  
инвестиция  
лоиҳалари  
муҳокамасига  
багишланган  
ийғилишда Фарғона  
вилояти Олтиариқ  
тумани 120 миллион  
долларлик экспорт  
қилаётганини  
таъкидлаб ўтди.**



Хўш, олтиариқлар бунга қандай эришмокда? Бу борада уларда қандай тажриба тўпланган?

Фарғона вилоятининг Олтиариқ туманида энг кўп мева-сабзавот экспорт қилинади. Бугун бу ерга келган киши кишлоқ хўжалиги маҳсулотларини юклаб, хорижга йўл олаётган “Фура” машиналар карвонига гувоҳ бўлади. Ҳа, олтиариқлик тадбиркорларнинг ишларига қойил қолмай илож йўқ.

Қуванинг ани, Олтиариқнинг узуми, Риштоннинг ўриги, Бувайданинг анжирини татиб кўрган киши борки, бу замин саҳоватига, фарғоналик уста бобонларнинг меҳнати ва маҳоратига тасаннолар айтади. Бу ерда етиштириётган маҳсулотларга хорижда ҳам талаб ортмоқда.

Хусусан, Олтиариқ тумани ҳақида сўз борганди, албатта, уларнинг миришкорлиги ҳам тилга олинади. Айниқса,

йилига уч марталаб ҳосил олиб ҳам тупроқни “озитмаслик” сирларини пухта ўзлаштирган, қайси мева, қайси сабзавот учун тумандаги қайбер худуд ерлари мос эканлигини олимлардан кам билмайдиган миришкор томорқачиларининг довруги жуда баланд.

Мазкур туман нафақат бодринг ва турпи, балки узуми билан ҳам машхур. Туман бобонлари бу борада ҳам ўзига хос мактаб яратган. Ўтган йиллар мобайнинда миришкор томорқачилар ўнлаб турдаги янги узум навларини яратди. Юқорида номи зикр этилганидан ташқари, “Қора шахзода”, “Хусайн”, “Маликанинг бармоғи” каби узум навлари нафақат ички бозорда, балки узоқ-яқин хориж давлатларида ҳам харидоргир. Даромад манба сифатида ҳам унча-мунча дехқончилик маҳсулоти узумнинг олдига туша олмайди.

– Туманимизда асосан қишлоқ хўжалиги маҳсулотлари экспорт қилинади, – дейди туман ҳокими ўринбосари Жаҳонгор Жуманов. – Ўтган йилда 47 минг 600 тонна узум, 22 минг 100 тонна гилос, ўрик, шафтоли, олма, 136 минг тонна сабзавотлар етиштирилиб, ички бозорни таъминлаш билан бир қаторда Россия, Қозогистон ва бошқа давлатларга экспорти амалга оширилди. Ҳозирда элликдан ортиқ экспортёр корхоналар бўлиб, уларга барча шароитлар яратиб бериляпти. Ўтган даврда 120 миллион долларлик экспорт қилинган бўлса, жорий йилда бу кўрсаткич янада ошади. Туманда экспортга кўмаклашиб марказлари фаолияти ҳам йўлга қўйилган.

Туман тадбиркорлари “Олма пиш, оғзимга туш” қабилида иш тутмайди. Улар бор имкониятларни ишга солиб, янги лойиҳалар устида иш олиб бормоқда. Мева-сабзавотчилик-

ни ривожлантириш учун барча тадбирлар белгилаб олинган. Ҳозирги кунда 7 та мева-сабзавотчилик кластерлари ташкил этилиб, 443 та фермер хўжаликлари ва 3 минг 670 гектар ер майдонлари биритирилиб берилди. Мазкур майдонларда 98 минг 429 тонна мева-сабзавот маҳсулотларини етиштириш ва унинг аксариятини экспорт қилиш кўзда тутилган. Албатта, бунда ташки бозордаги талабга ҳам алоҳида эътибор қаратиляпти. Шунга қараб, мева-сабзавотларни жойлаштириш, интенсив боғларни ташкил этиш ишлари олиб борилмоқда.

“Водий холдинг мева” масъулияти чекланган жамияти ҳам мева-сабзавотчилик кластерларидан бири. Мазкур жамият томонидан ўтган йилда 40 миллион долларлик маҳсулотлар экспорт қилинди. Бу айтишга осон. Ахир, мевани етиштириш ва уни сотиб олиш билан иш битмайди. Хорижлик харидор унинг сифати ва хуштамлигига ҳам эътибор қаратади. Жамият раҳбари Маъмирjon Абдулаевнинг айтишича, мева ва сабзавотларни саклаш учун 800 тонна сифимга эга музлаткич омборхона курилган. Бугунги кунда 98 та фермер хўжаликлари билан маҳсулотларни етиштириш бўйича шартномалар тузилди.

Туманда 68 та замонавий музлаткичли омборхоналар бўлса-да, ҳали ҳам мева-сабзавот сақлаш учун эҳтиёж бор. Бу эса йилдан-йилга фермер ва деҳқон хўжаликлари, томорқа ер эгалари ердан мўл ҳосил олаётганидан далолат беради.

Қувонарлиси, олтиариқлик фермерлар нафақат маҳсулот етиштириш, балки уни қайта ишлаш ва экспорт қилиш бўйича ҳам илфорлар сафида бўлишга интилишади. Тажрибали фермерлардан бири Исокжон Бойматов ўзи раҳбарлигидаги “M. Бойматов” фермер хўжалигининг 300 тонна ҳажмга эга музлаткичли омборхонасидан унумли фойдаланмоқда. Олти гектар боғда узумнинг экспортбоп навларини парваришаётган фермер жорий йилда мева-сабзавот экспортидан катта даромад олишни режалаштирган.

– Фермер хўжалигимизнинг майдони 8 гектар бўлиб, шундан 2 гектарида лимон, 5 гектарида узум, яна 1 гектарида эса Туркиядан келтирилган ёнғоқ етиштирилмоқда, – дейди “My Garden” фермер хўжалиги раҳбари А.Абдураҳмонов. – Ўтган йилда “Келинбармоқ” навли узумдан Россия ва Қозогистон давлатларига 420 минг долларлик экспорт қилинди. Эндиликда 21 нафар ишчи-ходимларимиз билан тармоқни янада ривожлантириш ҳаракатида юрибиз.

Тумандаги ҳар бир маҳаллада томорқадан самарали фойдаланишида ўзига хос тажриба яратилган. 1 минг 410 гектар майдондаги томорқаларда эса узум етиштирилади. Айни кунларда давлатимиз раҳбарининг топшириги асосида туманин тўлиқ узум етиштиришга ихтисослаштириш бўйича ишлар бошланди. Жорий йилда 1 минг 350 гектар майдонда узумчилик хўжаликлари ташкил этилди. Умуман туманда келгусида 3 минг гектар майдонда узумчилик кластерлари ташкил қилиниши режалаштирилди.

Севимли адиларимиздан бири “Олтиариқларнинг чақалоги, эрта баҳорда плёнканинг тагига эмаклаб кириб кетиб, кеч кузда нариги тарафидан “Нексия” миниб чиқади”, деб бежиз лутф қилмаган. Зеро, бу ердаги тадбиркорлик, миришкорлик ишлари оиласлар фаровонлигини янада юксалтиришга хизмат қилаётганилиги билан аҳамиятлидир.

**Маъсуржон СУЛАЙМОНОВ, ўзА**

## НИМАДАН НОМУС ҚИЛИШ КЕРАК?

Баҳор аввалида Жиззах далаларида қора пакет ичида эгизак ўғил болаларнинг жасади топилгани ҳақидаги хабар тарқалди. Улар ташлаб кетилган экан. Бундан бирмунча вақт аввал Тошкентда каналга оқизилган чакалоқ (у ҳам ўғил бола) ҳақидаги гап-сўзларнинг шов-шувли тўлқини ҳали тиниб ултурмаганди.

Самарқандда дараҳтзорда ташлаб кетилган болани ит топиб одамларга етказиб берганичи? Охири уч ой, олти ой, нари борса бир йиллик шунга ўхшаш фожиали хабарларни росмана таҳлил қилиб кўрилса, бундай ҳолатларнинг сонсаноғи қанча чиқаркин? Ўрганиш асносида бундай ноҳушликларга аксарият турмушга чиқмасдан турбифарзанд кўриб қолаётган ёш аёллар сабабчи экани маълум бўлди. Улар шармандаликтан кутилиб “оппоқ қанд”га айланмоқчи бўлдилармикин? Ўрни келганда шуни ҳам айтиш керакки, фақат бир томонни – ожиза аёлни айлашдан, унга тош отиш фикридан йироқман. Аввалига совфалар, кейин ваъдалар бериб иши битгач, Россияга кетиб қолган ёки у ер-бу ерда пана-пастқамлаб юрган фожианинг яна бир сабабчиси – йигит отлиқ “мард”лар кўпинча сўроққа тутилмайди. Токи аризабозлик орқали жавобгарликка тортилмагунча, “йигитчиликда бўлиб турди” деган гапдан нарига ўтилмайди... Ҳамма вақт қиз боланинг масаласи чигал келган. Ҳамма вақт оиланинг ор-номуси, деганда қизлар тушунилади. Шу важдан қиз боланинг бўйнадаги бурчга йигитлар сабаб путур етганида фожиалар занжир ҳосил бўлмоқда.

Барibir ҳам минг бир сабаб топилса-да тирик боласини сувга оқизган аёл ҳеч қаҷон муқаддас бўлмайди. Минг азобла фарзанд дунёга келтириб, уни дала-даштда қолдириб кетган аёл ҳеч қаҷон муқаддаслик мақомига етиша олмайди.

Норасида гўдакни ахлатхонага улоқтирган ҳам ҳеч қаҷон оналиқ шарафига лойик эмас. Бундайлар токи гуноҳи азим нелигини билмас, тушунмас ва англамас экан уятни, номусни нега рўяқ қилишади? Отаси, онаси, яна аллакимлар бош кўтариб юролмаслигини ўйлаб, ўзларини қотиллик панасига олар экан, бу бегуноҳ жонларнинг уволи ҳақида ўйлашмайдими? Саволлар ва сабаблар ҳар доимигдек бисёр. Аксар ҳолда муаммога ечим муаммонинг ўзида ёки атрофида бўлади, олисда эмас. Қиз бола улғайиб, миллат тарбиячиси мақомини олгунига қадар ўзи имлли бўлиши ниҳоятда мухим эканлиги мана шу фожиалар оқимида яна қалқиб чиқмоқда. Онига болалигидан сарпо-сурукқа ўчликни сингдиргандан кўра, уларни ҳукуни билишга ўндаш, ялтироқ кўринган ҳар нарсага учиб кетмасликка, қолаверса, сабр ва қаноатга ўргатиш даркор.

Бир эмас, икки боласи ногирон түғилган, икковиниям меҳр билан улғайтирган, камига қизи автоҳалокат сабаб тўшакка михланиб қолган аёлни биламан. Ўша аёл ногирон ўғлиниң қобилиятини сезиб қолганидан бўён рассомлик тўгарагига қатнаштириб юради. Шунинг ортидан бир неча ой аввал олис қишлоқларидан Тошкентгача келишибди. “Набирангиз қаҷондан бошлаб расм чизади?” деб сўрабман аёлдан. Бу набира эмас, ўғлим бўлади, деганида мен қайта аёлга разм солдим. Синовлар ва қийинчиликлар онаизорни эрта қаритган. Ҳали 45 ёшдан ошмаган экан. Бундай оналар юртимизда оз эмас. Оқила, муниса, собира аёлларгина эъзозга лойикдир. Демак, ибрат ҳам ўзимизда, ўзимиздан узоклашмайлик...

**Наргиза ЮНУСОВА, Самарқанд шаҳри**



**Алия Темурийзода (Шаҳноза Эшмирзаева)нинг “Оқ қушлар қўшиғи”, “Осмон бир дунё”, “Қалбимдаги само”, “Мактуб” китоблари чоп этилган. У Евроосиё Ижодкорлар уюшмасининг даврий аъзоси, “Ўзбекистон белгиси” кўкрак нишони соҳибаси.**

**2015 йилда Евроосиё Ижодкорлар уюшмаси ва “Hertfordshire Press” нашриёти томонидан ташкил этилган “Open EuroAsia & Central Asia Book Forum & Literature Festival” IV Халқаро Китоб форуми танлови ва Адабиёт фестивалининг бадиий ижод йўналиши бўйича финал босқичида иштирок этиб, сертификат билан тақдирланди.**

# Саҳифалар ифори

Хикоя

– Ойи, кечиринг, мен буни атайин қилганим йўқ-ку. Ўзим ҳам тузукроқ кўриб чиққаним йўқ эди.

– Атайин қилмай ҳар нима бўлгур, сенга неча марта айтдим, менинг жавонимдаги китобларга тегма, деб!

– Топилиб қолар, ойи! Битта эски китобга шунчами? Китоб дўконида шу асарнинг янгича кўринишдаги қайта нашрларини кўрганман. Бир эмас, ўнта олиб келиб бераман керак бўлса!

– Керакмас! Миллионтасини олиб келмайсанми менга деса?! Менга бутун дунё китобларини йигиб келсанг ҳам, ўша эскирган китобим ўрнини босолмайди! Менга ўша китобни топиб бер!

– Дилнавозни ҳам безор қилиб юбордим кўнгироқ килавериб, тушунинг ойи, топса ўзи айтади.

– Кимдан сўраб бериб юбординг ўзи?!

– Ойи, бўлди, яна бошламанг.

– Ҳа, Сора, нима жанжал? – ишдан қайтган Нурмат бақир-чақирнинг устидан чиқди.

– Ассалому алайкум, дада... – Мадина айбдорларча бошини эгди.

– Кўрмайсизми мана бунингизни, китобларимни ковлаштириб, “Фарҳод ва Ширин”ни дугонасига бериб юбориби. Дугона бўлмиш эса шундай китобни йўқотиб ўтириби!

– Шунга шунчами? Битта китоб экан-ку.

– Э-э, келиб-келиб дардимни сизга дастурхон қиласанми, – Сора йиглашга тушди. – Бу китобнинг қадрани билсангиз эканки, гапирсам...

– Мадина, хафа бўлма, ойинг Навоийни жуда севиб ўқиуди, – кулиб кўйди Нурмат. – Эртага китоб дўконига чиқиб, янгисини олиб бераман ўзим.

– Керакмас янгиси!

Мадина ойисининг нега бунчалик жазавага тушганини тушунолмай, хуноб бўлди, кечки овқат ҳам татимади. Фақат дадаси кичкинтой синглиси Шоҳсанам билан бироз ўйнади, қизалоқ эса кун бўйи шўхлик қиласавериб чарчаганиданми, дадасининг қўлида ухлаб қолди. Кейин дастурхонни йигиштириб олишди, ҳар кунгидек дарсларни текшириш, оилавий сўхбат бугунча “анъана сафидан чиқарилди”. Мадина апил-тапил дарсларини тайёрлаб, ўз ўрнига эмас, хонасидаги диванга ўзини ташлади.

Дераза ортида булут парчаси ёриғидан кўринган ой мўралайди, нарироқда юлдузчалар милтиллайди. Ярим тунгача Мадинанинг ўйуси келмади, диванда ҳам, ётоғида ҳам ухломади. Кейин тахмондан кўрпача олиб, ерга – диван ёнига тўшади-ю, қоронида ўтирганча, хаёлга чўмди. Қизик, ўша китобнинг ойиси учун қандай қиймати бор экан? Нега бунчалик жаҳали чиқди? Ахир, шу пайтгача ойиси ундан ҳеч нимани қизғанмасди-ку! Унинг хаёлларини синглисининг йигиси бўлди: у кўғирчоғи билан бирга ухламаганини билиб, безовта бўлаётганди. Чироқни ёқиб, хонанинг у-бу бурчини қараб кўрди, бироқ кўғирчоғи тополмади. Шоҳсанамнинг йигиси баттар авжига минди.

– Яна бироз сабр қил, ҳозир топиб бераман ўша матоҳингни!

У синглисининг каравоти, стол остини, ҳатто кийим жавонини ҳам қараб чиқди. Кейин диван ёнига эгилиб, кўғирчоқнинг кийимчасига қўзи тушгандек бўлди. Яхшилаб қараб, кўлини чўзди ва кўғирчоқни чиқариб олди. Қараса, унинг тиллақоши тушиб қолган. Яна бир бор диван остини пайпаслади ва ойисининг ўйқолган китобини топиб олди! Кўғирчоқнинг кийимчаларини қоқиб, синглисига тутқизди, Шоҳсанам ўйқу фашлиги билан унинг тиллақоши ўйқлиги ни ҳам сезмай, тинчib қолди. Мадина бир кўнгли китобни дарров ойимга опчиқиб берсамми, деб ҳам ўлади. Кейин ярим тунда безовта қилгиси келмади.

Мадина китобни олиб, очиб ўқий бошлади. Саҳифалари букланиб кетган, сиёҳли ручкадан қолган доғлар... Еттинчи саҳифада дадасининг хуснихати билан ёзилган изҳорни кўриб, ниманидир тушунгандек бўлди:

“Сора! Бу китобни ҳеч қаҷон йўқотиб кўйманг! Бу менинг энг севимли асарим. Улар каби буюк муҳаббатга эришиш, сизнинг севгингизга етишиш баҳтига мұяссар бўлиш орзузида Н...”

Пастда чиройли дастхат туширилган ва китоб совға қилинганми, ҳарид қилинганми, ишқилиб қандайдир сана ҳам ёзилган, бир четига сиёҳ тегиб қолгани учун йилини билиб бўлмасди.

Мадина мийигида кулиб, китобни варақлашда давом этди. Деярли ҳар ўн-ўн беш саҳифа орасида шундай изҳорлар ёзид борилган, “Сиз”лар “Сен”га айланиб борган эди. Китобнинг қирқинчи саҳифасида эса бутунлай бошқача манзарага дуч келди: саҳифа ранги билан деярли фарқланмайдиган, ўқилавериб эскириб кетган бир неча кўлёзмалар китобга худди ўз саҳифасидек ёпиштириб чиқилган эди. Мадина уларни ўқиб чиқмоқчи бўлди-ю, кейин у ойисининг шахсий кечинмалари эканини ўйлаб, китобни ёпди...

\*\*\*

– Ассалому алайкум, ойижон! Хайрли тонг!

– Мадина хуш кайфиятда ойисига салом берди.

– Ваалайкум ассалом. Уйга кириб, нонуштангни қил. Ҳовлини ўзим саранжомлаб оламан. Мактабингга кеч қолиб юрма.

– Хўп, ойи... – Мадина китобни бериб, эрталабдан кайфиятини кўтармоқчи бўлган эди, ойисининг рўйхуш бермаётганини кўриб, индамай ортига қайтди.

Мактабга келса, Дилнавознинг ҳам кайфияти йўқ, бирорта китоб дўконидан ҳам ўша китобни тополмабди.

– Яна битта китоб дўкони қолди, ўша ердан ҳам тополмасам, пулини бераман, Мадин...

– Майли, қўявер. Керакмас. Уйда экан, қайтариб берибсан. Менинг эсим йўқ десам, сен ҳам... Синглим уйнаб-уйнаб, диваннинг тагига яшириб қўйиби. Топилди.

...Уйга келиб кийимларини алмаштириди, ойиси зарда билан келтириб қўйган таомни бир амаллаб тановул қилди. Кейин ҳовлига чиқиб, у-бу юмушларга аралашиб юрган бўлди, Шоҳсанамни ўйнатди. Қош қорая бошлагандা ойисининг хонасига кирди.

– Ойи, мана китобингиз...

– Воой, қаерда экан? – ойисининг чехраси очилди.

– Ўйда. Санамингиз диван остига яшириб қўйган экан... Кечакунда топиб олдим.

– Нега эрталаб чиқариб бермадинг?!

– Уни ўқиб чиқмоқчи эдим. Ўқиб бўлдим.

– Ҳаммасиними?

– Ҳа. Ва нега бунчалик жаҳлингиз чиққанини тушуниб етдим. Кечиринг мени...

Соранинг лаблари титради. Кўзлари ёшга тўлди. Қизининг ёнига яқин келиб, уни бағрига босди. Узоқ йиглади. Елкалари силкиниб-силкиниб йиглади. Мадина бу йигининг сабабини тушунолмасди.

– Йигламанг, ойи. Мен ҳеч нимани ўқиганим йўқ. Еттинчи

саҳифадаги сўзларга кўз югуртиридим-у, кейин китобни ёпиб кўйдим. Дилнавозга китобни топганим ҳақида айтсам, ишонмаслигини билиб, унга кўрсатиш учун ўзим билан олиб кетгандим...

– У китобда даданг билан унаштирилмасимиздан аввалги мактублари, ҳарбийдан юборган хатлари бор... Китоб саҳифасидек елимлаб чиққандим. Бу китобда бизнинг йиллар тўзонида тўзимаган ҳаётимиз, буюк севгимиз яшайди... Шунинг учун бу китобни ҳаммадан яшираман, эҳтиёт қиласман. Бу китоб сен учун эски бир даста қофоз парчасидир, аммо мен учун у жуда қадрли...

– Ойи, бир нима сўрасам, жаҳлингиз чиқмайдими?

– Нима?

– Ўша мактубларни ўқиб беринг.

– Қандай бўларкин?

– Илтимос, ойи. Ахир менинг ҳаётим ҳам шу муҳаббатдан бунёд бўлган.

Сора Мадинадан бундай гапни кутмаганди. Фалати бўлиб кетди. Боягина Мадина “ҳаммасини ўқиб чиқдим” деганида бунчалик хижолат бўлмаганди. Бироз тараффудланиб турди-ю, ҳозиргина маҳбубидан хат олган бўй қиздек юзлари қизариб, мактубларни бирма-бир ўқий бошлади.

...Ишдан қайтгача, кечагидан бутунлай бошқа манзарага гувоҳ бўлган Нурмат таниш сўзлар жарангини эшишиб, эшик олдида тўхтаб қолди:

“Ўтаётган кунлар худди асрдек чўзилади. Бошқа давлат сарҳадларида, бошқа тилда сўзлашувчи бегона одамлар орасида менга факат сенинг табассуминг аксланган сурат таскин беради...”

“Бизни Саратовга юборишиди. Бу ерлар совуқ, қиши изғирин. Баҳорни, қўёшни, сени соғинидим. Вақт тезроқ ўтишини истаяпман, сенинг ёнингга борадиган кунларим етиб келишини кутяпман...”

“Сора! Ўйга қайтишимизга жуда оз фурсат қолди! Шу ой охирида қайтамиз. Ҳаммадан ҳам сени кўргим келяпти. Яшириниб бўлса ҳам вокзалга чиқ. Сени кўришим керак...”

– Шу хатлар ҳалиям турибдими?

– Вой, дадаси, қаҷон келдингиз? Сезмабман ҳам. Яхши келдингизми?

Нурмат индамай қўлидаги дипломатни очди. Ҳар хил хужжатларни чиқариб ташлади. Ниҳоят, излаганини топдими, юзи ёришиб кетди. Соранинг ёнига келиб, бир даста конверт узатди.

– Нима бу?

Сора конвертларни оларкан, қўллари титради. Бир неча конверт қўлидан тушиб кетди. Мадина конвертлардан бирини олиб, очди, ичидан Соранинг соchlарини майда ўриб тушган оқ-кора сурати билан бир варак қофоз чиқди:

“Нурмат ака! Ўтган сафарги мактубимда суратимни юбормагандим. Сизга айтганимдек, соchlарини майда ўриб тушган суратимни юборяпман. Бир пайтлар бирга айланишга чиқсан адирларимиз лолаларга бурканган. Ўша кунларга қайтгим келяпти. Қани эди ўша кунлар қайтиб келса... Тезроқ келсангиз, ҳали кўп ўша адирларга чиқиб, лола терамиз-а? Сўз берасизми? Ўша кунларни интизор бўлиб кутаман. Сиз сиз жуда қийин... Бу дунёда ҳеч ким мен учун Сиз бўлолмайди. Сиз учун, тезроқ қайтиб келишингиз учун дуо қиласман. Ўзингизни эҳтиёт қиласман!”

Сора ҳам, Нурмат ҳам айни дамда ўтмишдаги унутилмас кунлар соғиничидан, муҳаббат бофининг сара гуллари ифоридан сармаст эдилар.

Алия ТЕМУРИЙЗОДА

Рассом М. АБДУЛЛАЕВ

Шаҳноза СОАТОВА

# Келин қандай танланади?

**Т**емурдек улуғ ҳукмдор келин танлашни давлат ишлари билан тенг кўрган экан, демак, бу ишга чандон масъулият билан ёндашмоқ ҳар бир ота-онанинг бурчидир. Ахир, келин бу – келажак авлод, тоза насл, тотув оила, саранжом рўзгор дегани.

Илгари ўзбеклар ҳаёти ичкари ва ташқари ҳовлига ажратилган даврларда маҳсус совчи аёллар тўй-ҳашам, мавлуд-маъракаларда қизларнинг дарагини эшишиб, имкон бўлса, ўзини кўрган, савдони эса эркаклар пиширган. Ахир, эр кишининг сўзи сўз, бу билан аҳднинг қатъийлиги ва маҳкамлиги кафолатланган. Бизнинг замонда эса келин қидириш бирмунча осонлашди, аммо совчилик масъулияти заррача камаймади. Аксинча, ортди. Чунки энди ижтимоий тармоқлар, гўзаллик салонларию маҳсус фотокамера ва фотошоп аталмиш сеҳрли таёқча шундай гўзал, ақлли қизларни (аникроги, улар ҳақидаги иллюзияни) яратмоқдаки, бу ҳолатда зарни баҳоламок учун ҳақиқий заргар бўлмасангиз, ишлар чатоқ. Ахир, интернетдаги сұхбатларию чиройли суратлари билан қизлар йигитлар қалбига йўлни анча қисқартира олдилар. Лекин оналар хушёрликни бой бермасликлари керак. Ёшлар оила қуришда хато қилмаслиги учун катталар тажрибаси жуда муҳим. Хўш, келин танлашда нималарга эътибор бериш кераг-у, нималар у қадар аҳамиятли эмас?

**Насл-насаб.** Бу ўта муҳим шарт. Бўлажак келиннинг таг-зоти суриштирилади. Мақсад – қиз оиласининг мансаб-мартабасини эмас, уруғ-аймоғида гиёхванд, ақли ноқис, ичкиликбоз, маънавий бузук одамлар бор-йўқлигини билиш. Чунки бу иллатларнинг “сүяқ суриши” ҳеч кимга сир эмас. Албатта, ота арақхўр бўлса, қизининг баҳтили оила қуришга ҳақи йўқ дегани эмас бу. Шунчаки, “Эрурсен шоҳ, агар огоҳсен сен”. Яъни олдиндан билсангиз, қарши чораларни қўллаш имкониятингиз ортади.

**Оилалар мослиги.** Бу қуда бўлмоқчи бўлган оилаларнинг дунё-қараш, қадриятлар ва интеллект томондан мослиги, демакдир. Кимдир келиннинг сепига қарайди, кимдир ички дунёсига. Бордию ўртада мұхабbat бўлиб, ёшлар бу нарсаларга эътибор бермаса ҳам, катталар, албатта, буни назардан соқит қила олмайди. Чунки туй-ғулар ўткинчи бўлиши мумкин, аммо тарбия ва одатлар бир умрлик. Қолаверса, ҳамма оилалар ҳам йигит ва қиз мұхаббати устига қурилавермайди, совчилар орқали келишиб оила қураётганлар кўпчиликни ташкил этади. Демак, бу жиҳатни, албатта, эътиборга олиш керак.

**Саломатлик.** Нега буни учинчи ўринга қўйдик? Асло муҳимлик жиҳатига қўра эмас, ахир саломатликдан муҳимроқ нима бор? Гап жараённинг тартибида. Негаки ҳеч ким насл-насаби ва оиласини суриштиримай туриб қизнинг ўзига қизиқа бошламайди. Демак, сиз наслини суриштиридингиз, оиласини ўргандингиз ва ниҳоят, қизга эътибор қаратасиз. Агар бирон жиддийроқ дарди бўлса, буни яшириш мушкул. Лекин айрим касалликлар пинҳона кечади. Аёлларда ички туйғу, сезги бор. Шу орқали келинни тафтиш қилсалар бўлади.

**Уй тутиш.** Қизлик уй саранжому саришта бўлиши табиий. Аммо бу қизнинг ишимикан ё янгаларининг? Совчилар баъзида гиламни кўтариб тагини кўради, кўрпачаларнинг астарига қарайди, дастурхонни фижимлаб боқади. Булар бари маъқул. Лекин психологлар уй ҳайвонларига ҳам эътибор беришни тавсия қилишади.

“Ўғилларим, набирашарим ва яқинларимни уйлантирмоқ ташвишида келин изламоққа эътибор бердим. Бу ишни давлат юмушлари билан тенг кўрдим. Келин бўлмишининг насл-насаби, етти пуштини суриштиридим. Хос одамлар орқали соғлик-саломатлиги, жисмонан камолотини аниқладим. Келин бўлмиш насл-насаби, одоб-ахлоқи, соглом ва бақувватлиги билан барча қусурлардан холи бўлсагина, эл-юргита катта тўй-томоша бериб келин туширдим”.

Амир Темур

**Онаси.** Онасини кўриб қизини ол, деган гап бежиз айтилмаган. Сиз онасини нафақат ташқи тарафдан кўринг, унинг қариндошлар билан муносабатини ҳам тафтиш қилинг. Қайнўйин билан яхшимикан, меҳмондўстми, қайнонасининг дуосини олганми, ўз жигарларига оқибатлами? Буларнинг бари бўлажак келиннинг феълида, одатларида акс этиши тайин.

## Нима қилмаслик керак?

**Кўп сўзламанг,** кўп тингланг, айниқса, биринчи боришка. Мумтишлаб ўтиринг, ҳам демаймиз. Албатта, исми-шарифингиз, ўғлингизнинг ёши, маълумоти, касб-кори каби маълумотларни айтишингиз керак. Аммо кўпроқ келин томон ҳақида ахборот йиғишга урининг. Агар тўплаган маълумотларингиз ўзингизга маъқул келса, кейин секин кўёв бўлмиш ҳақида гап очишингиз мумкин. Бирданига ўғлингизга тегишли ҳамма маълумотларни айтиб қўйиш тизгинни қизнинг онасига топширишдир. Қарши томон сиздан олган маълумотга қараб ўзи ҳақидаги хабарларни таҳрирлаб, сизга мослаб, демакки, аслидан бошқачароқ қилиб айтиши мумкин.

**Холоса чиқаришга шошилманг.** Қизнинг онаси совчилик олдида ҳаяжонланиши, гапини йўқотиши мумкин. Бундан аёл ниманидир яширяпти, гапини эплаб гапира олмас экан, деган холосаларга келманг. Агар шу оиласа кўнглингиз чопган бўлса, онаси учун яна бир имконият беринг.

**Ички овозингизга қулоқ тутинг.** Баъзида совчиликка бориб рисоладагидек оилани топдим дейсиз-у, уйга қайтгач негадир кўнглингиз фаш бўлади. Бу бежиз эмас: аёлларда ички сезги кучли, ўзингиз биласиз. Хўш, нимага кўнглингиз фаш? Шу савол устида бош қотиринг.

**Қарор қабул қилишга шошманг.** Бу – умр савдоси. Ўглингизни ҳам зўрламанг. Эҳтимол, битта кўришда у қарорини айта олмас ёки атрофдагилар босими остида қарорини кейин ўзгартириб қолар. Шу сабабли кўнгил “жиз” этмаган, пухта ўйланмаган вариантини шошилиб тасдиқлаб қўйманг. Бир кунлик тўйнинг орзу-ҳаваси деб қилган шошқалоқлигингиз кейин қімматга тушиши мумкин. Бир марта учрашиди нима-ю, икки-уч марта нима? Керак бўлса, ҳеч бир олди-бердисиз, йигит ва қизнинг шунчаки яна бир бора учрашишига имкон яратиб беринг. Шунда ҳам юрак сапчимаса, бу савдони кўйинг.

Хуллас, умр савдоси савдоларнинг мушкули. Ўглингизга қиз танлаш масъулиятини зимманингга олган экансиз, етти ўлчаб бир кесиш кераклигини яхши биларсиз?..

### Эл мақтаган қизни ол...

Қиз танлаш асносида у ҳакда суриштира бошладингиз. Бирор у дейди, бирор бу. Сиз яхшини ёмондан, ҳакни ёлғондан ажратиб ола билишингиз керак. Қаранг-чи, мақтаётган ким, ёмонлаётган-чи? Улар сизга яқин одамларми ё қиз томонга? Холис гапириптими ёки бирон барази борми?

Халқимиз бир нарсани билмаса гапирмайди. “Онаси мақтаган эмас, янгаси мақтаган қизни ол”, деган мақолни ҳам бежиз айтмаган. Ҳётда ҳар нарса бўлиши мумкин. Жумладан, қизини мақтамайдиган оналару ёмон қайнингилни мақтайдиган янгалар ҳам учраши мумкин. Куйида шуларнинг дардини тинглаймиз ва муҳокама қиласиз.

*“...Қизим эндиғина 18 га тўлди. Аммо хотим туну кун уни турмушга беришни ўйлайди. Ким кўринса, қизимизни мақтаб, “Келин қилганинг жони роҳатда қолади”, дейишини қўймайди. Нуқул қімматбаҳо кийиму тақинчоқлар билан арчани безатгандек қизимизни ясантириб, тўй-ҳашамларга олиб боради. Аммо қизига бирон ҳунар ўргатиш, ўқитиш, ўй-рўзгор ишларига солиши ёки одоб-ахлоқдан дарс беришни ўйламайди. Мен кўп марта унга бу борада танбех бераман, аммо у: “Мана кўрасиз, қизимни зўр жойга узатаман”, дегани-деган. Ахир гап фақат мақтаб-мақтаб узатиб олишда эмас-ку. Қиз бола борган жойида тиниб-тинчиб кетиши учун ҳозирдан замин ҳозирлаша керак эмасми?..”*

Фарҳод ака

Отанинг ҳадикларида жон бор. Бугунги кунда кўп оналар чалинган касаллик бу. Уларнинг дарди нима қилиб бўлса ҳам қизини бой-бадавлат жойга узатиш. Қолгани ўз-ўзидан яхши бўлиб кетади, деб чучварани хом санашади. Қизнинг касбхунар ўрганиши, илм-фан эгаллаши, рўзгорни эплаб кетиши муҳим эмасдек. Мақтаб-мақтаб узатган билан эртага у қиз келин бўлиб борган уйида ўша мақтоворларни оқлай олмаса, ўй-рўзгор юмушларини эплай билмаса, нима бўлади? Она бўлгач қизини мақтайди-да дерсиз, тўғри, буни тушуниш мумкин. Аммо нуқул: “Менинг қизим ундоқ, менинг қизим бундок, фақат шаҳзодаларга муносиб”, дейилаверса, совчи-ларнинг энсаси қотмайдими? Ё ростдан ҳам шундаймикан деган шубҳага бормайдими? Оналар, қизингиз келин бўлиб тушган хонадонида туп кўйиб, палак ёзib кетсин, қийналмасин дессангиз уни ҳадеб мақтаманг, шундай тарбия берингки, тики бошқалар ҳавас қилсин, мақтасин.

*“...Онам мени ҳеч қачон мақтамайди. Бирон яхши иш қилсан, бир оғиз “баракалла, қизим”, деган гапларини кутаман. Аммо улар индамайдилар. Бошқалар мени мақтаса, курсанд бўлиш ўрнига: “Нима бўпти? Мақтайверманг, талтайиб кетади”, дейдилар. Ўртоқларимнинг онаси ҳеч нимани билмайдиган, эпсиз қизларини чироили кийинтириб, мақтаб-мақтаб яхши жойларга узатиб юборишиди. Онамнинг эса энгил-бошим билан иши ўйқ. Ўй-жойимиз бир аҳволда. Таърифимни эшишиб келган совчилар уйимизни кўриб айниб кетишияпти. Совчилар билан муомала қилиш, уларга, майли, оширмай-тоширмай, боримни таърифлаб беришни ҳам билмайдилар. 28 га чиқдим. Баҳтим очилмаётганида онамни айбдор деб биламан...”*

Сарвиноз

Бу ерда гап она билан қиз ўртасидаги чуқур психологияк муаммоларга бориб тақалади. Баъзи оналар тарбияда қаттиқўлликни маъқул кўришади. Аммо ҳар қандай қаттиқўллик тагида болага нисбатан меҳр туриши, у ноҳақликка, адолатсизликка айланиб кетмаслиги керак. Юқоридаги вазиятда оз-моз шундай бўлганга ўхшаяпти. Фарзандга ўзи муносиб бўлган баҳо берилмаган. Тасаввур қилинг, сиз ҳалол меҳнат қилдингиз, аммо ҳақингизни беришмади. Яхши иш қилганда мақтov эшишиб боланинг ҳаки. Шу ҳак берилмаса, унинг қалбида қат-қат алам йиғила боради. Натижада бир кун келиб ўша бола онасига нисбатан қарама-қарши қутбга ўтиб олади, барча омадсизлигига онани айблайдиган бўлади. Қизнинг баҳти ўй-жой ёки онасининг оғзидан чиқадиган мақтov ё ялтири-юлтири кийимларга боғлиқ эмас. Лекин буни англаши учун қизнинг кўнглидаги аламлар, онага қўйилган айловлар йўқолиши ва ўрнини тоза, самимий туйғулар эгаллаши керак. Бунинг учун, аввало, она қизига бўлган муносабатини ўзгартириши лозим. Бегубор, ҳаётдан хурсанд, ўзига ишонган қизнинг баҳти, албатта, очилади.

Энди бу қизга икки оғиз гап айтсан. Бекорга онангиздан хафа бўляпсиз. Сизнинг баҳтингиз онангизнинг эмас, ўзингизнинг кўлингизда. Онаси мақтамаган қизларнинг ҳам баҳти очилади, ишонаверинг. Аламзадаликни қўйинг, бу қиз болага безак бўлолмайди. Ҳаётга ёруғ ниятлар билан боқинг. Таърифимни эшишиб совчилар келяпти, деяпсиз. Демак, яхши фазилатлар бисёр сизда. Ўй-жойингизга қараб келин қиладиганларни нима қиласиз? Яхши ният қилинг, ўзингизни қадрлайдиган одам топилади, албатта.

(Давоми кейинги сонда).

Фарид Мөхди,  
Хизмат кўрсатган журналист,  
Ҳасан бей Зардобий ва Мамад Араз  
мукофотлари совриндори

# Синмаган

в а ф о

Ҳикоя

Одатда инсонга икки гўзалликнинг баробар берилиши камдан-кам учрайдиган ҳол. Аида хонимдан эса парвардигор ўз лутфини дариг тутмаган эди. Уни ҳам гўзал, ҳам ақлли қилиб яратганди. Бўлимнинг эркаклари унга мафтун, аёллари ҳасад қиласди. Ана шу икки куролдан қайбири кучлироқ эканини англаш мушкул эди. Индамай турганида малоҳати, сўзлаганида билими, ақл-заковати намоён бўларди. Аёлларнинг кўпчилиги ўзининг иккинчи ўринда эканини тан олмаса-да, бу ерда ишлаттган ҳар бир аёл кўнглиниг тубидан “кошки, шу Аида-нинг ўрнида мен бўлсан эдим”, деган фикр ўтар, эркаклар эса “у менини бўлганда қанийди”, деб хўрсиниб қўйишарди. Орзу-ларнинг садди, сарҳади бўлмайди. Орзулар ўз соҳибларига тегишли бўлгани учун на ахлоқ кодекси, на қонунга бўйсунади. Улар тилга олингунларига қадар ана шу салоҳиятга эгадирлар. Тил божхона мина-тақасидир. Исталган яширин нарсани олиб ўтолмайсиз. Бунга жаҳд қилган кимса ўз шаънини асраш масъулияти, жазога тортилиш хавфи билан юзма-юз келади.

Аида хоним эртак қахрамонларига жуда ҳам ўхшарди. Бекам-кўст қомати, сутга чайиландек оппоқ юзи, пуш-

ти ёноқлари, камон қошлари, маъноли чиройли кўзлари, меъёрида қилинган пардози билан шоирлар васф этган афсонавий соҳибжамолнинг ўзгинаси эди. Диид билан турмакланган сарфиш соchlари ўз ёшига ниҳоятда муносиб эди. Мулойим табассуми, ёқимли кулишининг жиловини доим тутиб турарди. Аёллар гаплашишни хуш кўришади. Унинг эса гаплашиб ўтиришга вақти бўлмасди. Вақт топилгандা ҳам сўзлари узра тежамкорлик қайчиси шай туар, қисқа ва лўнда сўзларди.

Аида хоним табиатан некбин инсон бўлиб, атрофидагиларга яхши қайфият улашар, саволларга хушмуомалалик билан жавоб берар, маслаҳатини аямас эди.

Унинг яхши кўрган машгулотларидан бири мутолаа эди. Ҳамиша ўз илмий малакасини оширишга интиларди. Қизиқарли мақолалари матбуот саҳифаларида эълон қилинар, телевизион каналлар вақти-вақти билан кўрсатувларга таклиф этишарди. Ҳалоллик билан эришган илмий даражаси ҳам бор эди. Бўлим бошлиғи ўзининг илмий мақолаларини, маърузаларини унга кўриб чиқишига берар, мулоҳазаларини иnobатта оларди.

Аёллар ўз устунликларидан имкон борича фойдаланишга одатланган бўлишади. Албатта, ҳаммаси эмас. Аида хоним ҳам ана шу камчиликдагилар сирасида эди. Ўз устунликларидан суюистеъмол қилган ҳолда заифларни эзишини, камситишни ҳеч ёқтирасди. Бу эса муайян қадар таажжубли ҳол эди, шундай эмасми?

Аида хоним бoshqa bir ilmий muassasada ishlaidigan nufuqli olimning umr yuldoshi edi. Ikkii farzandi uni mehr bilan "ona" deb atardи. U ham bu mehrni un barobar qiliib bolalariiga qaytariishdan xuzur qilar edi. Axen-axenda учрайдиган оила bilan boglik suroq-savollargarga qat'iyat bilan oйдинlik kiritardи:

— Оиласида ҳам раҳбар битта бўлади. Уйимизнинг раҳбари — болаларимнинг отаси.

Ходимлар қаршисида “истеҳком билан ўралган мустаҳкам қалъа” турарди. Оиласи бор ёки йўқлигидан қатъий назар, бу қалъани фатҳ этиш орзусида юрганлар оз эмас эди.

Бўлимда ҳаёт бир маромда давом этарди. Кунларнинг бирида кутимагандага кадрлар алмашуви юз бераб, хизматдошлардан бири кетди ва унинг ўрнига бoshqa biри қабул қилинди.

Ўша янги келган ҳамкасаба умрининг бўйдоқлик-султонлик қисмининг юксак мартабасида даврон суроётган Жобир исмли бир йигит эди. Бўлим хизматчилари уни обдан элакдан ўтказиб, ижобий баҳо беришди. Жобир бўйи-басти, соғ-



ломлиги, илмий малакаси, топшириқларни ўз вактида бажаришини күрган ходимлар унинг яхши хизматдош эканлигини тан олишди. Ишидан ҳам, маошидан ҳам унинг күнгли тұлды. Лекин телба бир ҳис, бунинг номини "савдо" дейдилар, унинг елкасига үдасидан чиқиб бұлмайдиган муаммо юклади. У күзларига худди әртаклар дүнёсидан келгандек күринган күхликкина Аида хонимга ошиқи бекарор бўлди-қолди. Бу ошиқлик тўсатдан чақнаган чақмоқ мисоли унинг вужудини ларзага солди. Бу фаводан қутулиш осон эмаслигини Жобир аниқ биларди. Халос бўлиш учун қарши тараф ёрдам қўйини узатмаса, аҳволи чатоқ бўлиши муқаррар.

Ишдаги ишқ можаролари табиий ҳол эканлигини ҳамма билади. Баҳти оиласларнинг бир қисми айнан иш жойида туғилиши ҳам янгилик эмас. Ақл бир томонга, юрак эса бошқа томонга йўналганда муассаса ишларининг оқсаны ҳам майлига, ўша севишганлардан тўй таклифномаси келса, бас.

Жобир Аида хонимнинг оиласий шароитини эътиборга олмай ақли, гўзаллиги билан ҳамманни ҳайрону маҳлиё қилган малакка чунонам шайдо бўлдики, асти қўяверасиз. Бир тарафдан қарагандар унинг бу ҳаракатини ҳеч оқлаб ҳам бўлмасди. Лекин севги оламининг ўз қонунлари, тўғрироғи, ноқонунийликлари ҳам бор-да. Бу туйғуни ўтакеттан хомхаёллик дея дўқ-пўписа қилиб, севги йўқ дея тақиқлаб, уни таънаю надоматларга кўмид бўлмайди. Узоққа боришига ҳожат ҳам йўқ, шу бўлимнинг ўзида ана шундай севги соҳиблари бор, ахир. Улар хавф-хатар ва маломатлардан нарироқ бўлиш учун севги номли девона булбулларини кўнгил номли қафасларида жиiddий назорат остида сақлади-лар. Четдан туриб баҳраманд бўлаётган нур, кувват билан кифояланадилар. Жобир бу гурухнинг оддийгина аъзоси бўла олмасди. Унинг юраги Аида хонимга бўлган севгидан түғён урарди.

Бу севги Жобирга нима бера оларди? Оила ҳаётиними ёки ошиқ-маъшуқликними? Бу саволга қан-

дай жавоб беришни ҳам билмасди. Севги тумани ичида ўз йўлини тамоман йўқотган эди. Фақат фикру хаёлини ўғирлаган Аида хоним билан бирга бўлишни ўйларди.

Аида хоним эса ё ҳеч нарсани кўрмайтган, ёки кўрмасликка олаётган эди. У ўзини аввалгидек хотиржам, босиқ тутар, шоҳона аёллик гурурини авайлаб-асаради.

Жобир буни тушуниб туради. Одатда севги жанг-жадаллари ни эркаклар бошлаб беради. Демак, эртами, кечми сарҳад деворлари қулаб, Жобир бу қалтис қадамни босиши муқаррар эди.

Жобир журъатланганида гўё Аида хонимни кўрмас, бошقا аёлларга мақтовлар билан тўлиб-тошган хушомадлар ёғдирар эди. Янги, ёш ҳамкасабанинг дикқат-эътибори, маданиятини юксак баҳолаган хонимлар унга ташаккур билдиришар, лаззат қанотида ҳузур осмонида парвоз этардилар. Бундай пайтларда хушомадлар устаси оташи кўйдириб кул қилган маҳлиқога ҳатто кўз қирини ҳам ташламас эди: “Мени кўйдирганин жавобсиз қўймайман. Мен унинг “рақиб”ларини кўкларга кўтариб ўзини кўйдирман”.

Аида хоним Жобир тарафдан ёғаётган хуш ниятили сўзларга аҳамият бермасди. Синчилаб қараганда айтилаётган мақтовлар фақат унгагина муносиб эди. Бутун бу таърифларни ўзида жамлаган бир сиймо гавдаланганди Аида хоним кўринарди.

Бир дафъа мақтовлар ёмғиридан сўнг Жобир Аида хонимнинг ёнидан ўтаётуб аста пичирлади:

– Ҳеч безовта бўлманг, айтганларимнинг сизга дахли йўқ.

Аида бошини кўтариб, йигитнинг сўзларига бирор жавоб қайтармади, шунчаки мийифида кулимсираб қўйди. Бу сўзсиз табассум биргина маънони англатарди: “Ўзингни қийнама, мақсадинг аён”.

Жобир Аида хонимга бўлган муносабати биртарафлама эканини, унинг Васиф исмли турмуш ўртоғи, икки фарзанди борлигини эшитган бўлса-да, ўзини тута олмасди. Бу нозиктабиат хонимнинг умр йўлдоши ҳам ўзига муносиб бўлса керак, дей ўйларди у. Ҳамкаслар орасида оила ҳақида суҳбатлар чоғи ташқарига чиқиб кетар, тинглашни истамасди. Назарида, Аида хоним фақат ўзи билангина узукка кўз қўйгандек кўринарди.

Ахийри бир куни Жобир “ёрилди”. Ҳамкасларидан бирининг никоҳ маросимида куляй фурсатдан фойдаланган Жобир Аида хонимга дардини очик-ойдин баён этди:

– Сизнинг оиласигиз йўқ, ўзингизни ҳам, бошқаларни ҳам чалитманг. Эшигингизни қоққан биринчий совчи мендан бўлади.

Бу кечага ҳамма оиласи билан келганди. Касбдошлар биргалиқда рақсга тушар, ўйин-кулги қилишарди. Аида хоним рақсга тушаётуб суҳбат мавзусини бошқа тарафга бурди:

– Рақсга уста экансиз.

Мусиқа тингач Аида хоним Жобирни эри Васиф муаллимга танишириди. Аёлидан ёши анча катта кўринган Васиф муаллим бу танишувдан мамнунлигини билдириб деди:

– Бағоят хурсанд бўлдим. Аида менга сиз ҳақингизда жуда яхши гапларни айтган. Билимли, ҳаракатчан, дейди. Ҳали оила қўрмаган экансиз. Ўйланиш нияtingиз бўлса, Аида билан биз элчилик қилишга тайёрмиз.

Базўр ўзига келган Жобир бир амаллаб миннатдорчилик билдириб, тезгина улардан узоқлашди.

Аида хоним кўнгли кенг аёл эди. Жобирнинг мағлубиятидан гурурланмади. Ҳеч нарса бўлмагандек ҳаммага аввалгидек муносабатда бўлиб, чиройли муомаласи билан дилларни хушнуд этиб юраверди. Кўп ўтмай бўлимга қўёшдек нур сочаётган Аида хонимнинг чехрасида қора булувлар сояси кўрина бошлади.

Лекин у дардини дастурхон қилишни ёқтирамасди. Имкони борича бу оғир юкни ўзи кўтаришга уринарди. Лекин оиласида қўққисдан юз берган ҳодисалар тоқатини тоқ қилаётган эди. Унинг чамандек яшиаб турган ўзини заман қирори қоплай бошлади. Бу қирор эрта-индин қорга, музга айланиши ҳам эҳтимолдан холи эмас эди. Бу кескин ўзгариш ҳамманинг кўз олдида содир бўлаётганди. Атрофдагилар бу ўзгаришга бефарқ қололмасдилар.

Аида хоним ортиқ сир сақлаб ўтиришни фойдасиз ҳисоблаб, оила дуч келган нохуш ҳол ҳақида сўз очди. Эри Васиф муаллим юрак хасталиги билан касалхонага тушганди. Шифокорларнинг айтишича, жарроҳлик йўли билан даволашдан бошқа илож йўқ экан. Бу қарор хатарли экани кундек равшан эди. Ҳамкаслар илиқ сўзлар билан унга тасалли бериб, кўнглини кўтаришиди. Юрак жарроҳлиги ҳозирги кунда қийин амалиёт эмаслигини, ҳаммаси яхши бўлишини, бемор тузалиб кетишига ишонишни, хорижга чиқишига ҳожат йўқлигини, тиббиёт ўлкада ҳам тараққий этганини ўқтиришиди. Ҳаммаси пулга боғлиқлигини, пул бўлса, саломатлик ҳам жойида бўлишини таъкидлашди.

Бир қиёфадан иккичи қиёфага кириш Жобирнинг қўлидан келмасди. На кадарлана, на севина оларди. Ўртада турган тўсиқнинг бартараф бўлиши унинг мақсадига осон етишишга умидвор қиласди. Бу мақсад уни ҳаётнинг боши берк кўчаларига етакларди. Бу кўчаларда дераза йўқлиги боис, чироги ҳам йўқ эди. Бу йўлнинг инсоний йўл эмаслигини Жобир ҳис қиласди. Асл ошиқлар бу йўлнинг йўловчиси бўлолмайдилар. Бошқалар рақиби билан курашса, Жобир ўзи билан кураш олиб бораради. Ўз устидан ғалаба қозонишни энг буюк ғалаба деб бежиз айтмайдилар. Бу унинг қўлидан келармикин?

Васиф муаллимнинг юрагидаги жарроҳлик амалиёти муваффақиятли натижаланди. Аида хонимнинг гўзалиги яна ўзига қайта бошлади. Ҳамкаслар гуруҳларга бўлинниб, Васиф муаллимни кўришга борарадилар. Агар бормай яқкаланиб қолса, шубҳа ўйғотишини англаған Жобир бор

Шаҳло ҚОСИМОВА Тошкент ҳалқ хўжалиги институтини тамомлаган. Рус, ўзбек, озарбайжон тилларидан таржималар билан шуғулланади.

Озарбайжонлик олима, журналист Сўна Алиеванинг “Дунё кўзларимда нимпушти рангда” деб номланган шеърий китоби, ёзувчи, олим, драматург Фируз Мустафонинг “Денгиз кўчманчилари” қисса ва ҳикоялари китоби, ёш шоира Лайлло Алиеванинг “Дунё тушдек эриб бормоқда” номли шеърий тўпламининг таржимонидир.

Боку шаҳрида “Белый танец” (2019) ҳамда “Денгиз кўчманчилари” (2020) таржима китоблари нашр этилди.

Таржимонлик фаолияти юртимиз ва Озарбайжонда эътироф этилиб, адабий давралар мукофотига лойиқ кўрилган. Шаҳло Қосимова Озарбайжон Ёзувчилар бирлигининг ва Али Карим номли Сумгаит шаҳри Поззия уйининг фахрий аъзосидир.



кучини тўплаб, гурухлардан бирига қўшилиб олди. Бу ҳаракатидан Аида хонимнинг хурсанд бўлганини сезди. Васиф муаллим ҳам уни кўриб севинди. Ҳатто аввалги ваъдасини эсга олди:

— Биргина бўйдогингиз бор, шуни ҳам уйлантириб қўяқолайлик, демайсиз. Ўзимга келиб олай, Аидани ёнимга олиб, ўша айтган элчилик миссиямизни амалга оширишни бошлаймиз. Бундай бўлмайди, ахир...

Тилаклар, дуолар, шифокорлар заҳмати ўз самарасини бериб, Васиф муаллим согая бошлади. Шифокорлар бир ойлар чамаси вақт ўтгач, унинг яна ўз ишига қайтиши мумкинлигини айтишиди.

Бир куни бўлимда кутилмаган ҳодиса ўз берди. Ҳамма ўз иши билан машғул бир пайтда Аида хонимнинг кўзлари кўмак истагандек ҳамкасларига жавдиради. Ўша куни бу кичик жамоанинг кайфияти хуш эди. Маошлар пластик карталарга ўтказилганди. Ҳамма ишдан чиқсан заҳоти банкоматдан пулларини ечиб олиши мумкин эди. Аида хоним эса бу хурсандчиликка шерик бўла олмасди. У кўлида ниманидир тутиб турарди. Унинг безовталиги ҳамкаслари назаридан четда қолмади. Кимдир бунинг сабабини сўради:

— Аида хоним, ниманидир йўқотганга ўхшайсиз. Ёки бирон кўнгилсизлик бўлдими?

— Ҳа бўлди, — дея Аида хоним ўнг кўлини узатди, сиқимини очди. Кафтида иккига бўлинган маош картаси кўринди.

— Ия, қандай қилиб картангиз бу ҳолга тушди?

— Этилиб, Васифнинг туфлисини кийгизиб, ипларини борлаётгандим. Шу пайт бир нарса “қирс” этди. Шундагина пластик картам халатимнинг чўнтағида эканлиги ёдимга тушди. Не кўз билан кўрайки, у иккига бўлинганди. Энди нима қиламан? Пулга эҳтиёжимиз бор. Ҳозир қаерга боришмни ҳам билмайман. Тезгина бу муаммони ҳал қилишни ким билади?

Бўлимдагилардан энг ёши Жобир эди. Ҳамма беихтиёр Жобирга қаради. Жобир эса шуни куттандек тилга кирди. Аммо унинг сўзларида кўзланилган муддаога – картани алмаштиришга оид бирор-бир фикр йўқ эди. Ҳали ҳам ўз истагидан воз кечмаган Жобир деди:

— Сиз Васиф муаллимнинг олдида эгилдингизми?

Жобирнинг сўзларидан ниманидир ойдинлаштирган зийрак Аида хоним оддийгина жавоб берди:

— Ҳа, мен унинг туфлиарининг ипини боғлаб қўяй деб...

— Ҳўп яхши, шундай ҳам бўлсин, — дея Жобир кўполлик билан Аида хонимнинг гапини бўлди. — Сиздек юксакларда бўлган бир хоним... – сўзини давом эттира олмади у.

Аида хоним босиқлик билан рашк оташида ёнаётган қалбни тийишга интилди:

— Аввало, бемор эрининг хизматига шай турмоқ ҳар бир умр йўлдоши каби менинг ҳам бурчим, агар билсангиз, вафо бурчимдир. У менинг болаларимнинг отаси, бошимнинг тожидир. Бу тождор эса барча маъноларда ҳеч қаҷон эгилишимга йўл қўймаган, шу кунгача эъзозлаб келган. Бугун бу инсоннинг танг ҳолида унинг хизматини қилиш – эгилиб, туфлиарининг ипини боғлаш мен учун бир шарафдир. Менга эгилишга имкон бермаганинг олдида эгилиш нақадар ёқимли эканлигини билсангиз эди... Мен қилаётган хизматларимга мингдан-мингга розиман. Ўнга шифо тилаб, тилим ҳамиша дуода. Ўйлайманки, ўз қадрини билган ҳар бир аёл менинг нуқтай назаримни маъқуллайди.

Хўш, картанинг тақдири нима бўлди? Синган картати маънавият дарсини ўтиб, ўз ишини якунлаган эди. Фақат уни алмаштириш қолганди. Ҳамма Жобирдан умидвор эди. Севги бобида буткул мағлубиятга учраган Жобирни синган картадан кўра кўпроқ ўзининг сингани ўйлантиради: “Шамнинг парвонаси кўп бўлади. Улардан бири мен. Демак, Аида хонимни биздан ҳам ортиқ севган, юксак туттган бор экан. Шунинг учун ҳам Васиф муаллимни бошига қўяр экан. Мендейларнинг юзтасига ҳам алишмайди. Васиф муаллимнинг ҳам, Аида хонимнинг ҳам баҳти бор экан”. Жобир ўрнидан туриб, ташқарига йўл олди. Кимдир унинг орқасидан қия очиқ қолган эшикни ёмоқчи эди, эркаклардан бири:

— Қўյаверинг, ташқарига хонамиздан вафо нафаси уфурсин, — деди. Ҳамманинг юзига табассум югурди.



# Күлон хотун

эди. У Есугайнинг ҳаётига омад ва баҳт келтириб, тўрт ўғил ва бир қизни ҳадя этади. Аммо меркитлар бу ҳақоратни унумтайдилар.

Иллар ўтиб, тахминан 1180 йилда меркитлар Темучиннинг йўқлигидан фойдаланиб, боржигинлар қароргоҳига хужум қилишади ва Есугайнинг иккинчи беваси Сочихелни ва Темучиннинг хотини Бўртени ўғирлаб кетишади. Бу вақтда Бўрте ҳомиладор бўлиб, айрим манбаларда у асиаликда, яна бошқа манбаларда асиаликдан озод бўлгач кўзи ёриган, дейилади.

Меркитлар босқинидан кўп ўтмай, Темучин жажират уруннинг етакчиси Жамуха ҳамда кероитлар хони Тогрулхоннинг ҳарбий ёрдамига таяниб, меркитлардан Бўртени қайтариб олишга муваффак бўлади. Селенге водийсида бўлиб ўтган жангда уч кўмандон бошлилигидаги аскарлар меркитларни бутунлай қириб ташлаши ҳам мумкин эди. Аммо Темучин Бўртени топгач, қочиб кетишга улгурган душманни таъқиб этмайди. Бу эса кела-жакда унга жуда кўп ташвишлар келтиради.

Темучин Кулон хотунни айнан қачон ва қай ҳолатда учратгани манбаларда турлича талқин этилади. Бадий адабиётларда Кулон хотуннинг шахси борасида турли фикрлар мавжуд. Айрим адабиётларда у халқига омонлик истаб, ўзини Темучинга баҳшида этган халоскор тимсолида, бошқа адабиётларда эса ўз халқининг хоин фарзанди сифатида тилга олинади. Бироқ барча маълумотларда Кулон хотуннинг фавқулодда журъати, чўртке-сарлиги, фахм-фаросати бирдек эътироф этилган ва унинг ҳаётига оид эътиборли лавҳалар баён этилган...

Меркитлар ўзларини ҳамиша энг кучли деб билар, шу сабаб ҳокимиятга асосий датъвогарлардан ҳисобланар эди. Қандайдир Темучин исмли шахсга итоат этишини ўзларига эп кўрмас эдилар. Аммо вақт ва вазият бутунлай ўзгача тус олар, Темучин бора-бора кучайиб борарди. Бу ҳақиқатни англаш эса меркитлар учун ҳақиқий азобга айланган эди. Темучинга омад кулиб бокиб, мўгул қабилаларини бирин-кетин маҳв этар, унинг қаҳридан кероитлар ҳам, ҳатто найманлар ҳам қочиб кутула олмайди. Найманларнинг мағлубияти меркитларни саросимага солиб кўяди. Меркитларнинг қўшни қабилаларга ўлжа учун қилган ҳарбий ҳаракатлари бесамар кетиб, кийим-бош, рўзгор буюмлари ва озиқ-овқат этишмовчилиги уларни ҳалокат ёқасига келтириб куйганди... Қаерга боришни ва кимдан најот кутишни билмай, юраги ўртсанган қабила бошлиқлари – Тоҳто беки ва Тайр Усун қолган меркитларнинг жонларини омон сақлаш учун Селенге дарёсининг юкори қисмига силжиши максад қилган эди.

Тайр Усун қабиладошлари томон кетаётib, узоқдан ўзи томон келаётган отлиқка кўзи тушади. Бироз ўтиб, отнинг жиловини моҳирона тутиб келаётган отлик қизи Кулон эканлигига амин бўлади.

– Бу ерда нима қиляпсан? – қатъият билан сўрайди Тайр Усун.

- Отни ўзимга бўйсундиряпман.  
- Бу сенинг ишинг эмас, Кулон. Отни бўйсундириш эркакларга хос.

- Қачонки мени эгардан улоқтириб юборишига қодир от топилсагина, бу ишни бас қиласман, - деда қайсарлик билан жавоб беради Кулон.

Эгарда коматини тик тутиб, моҳирлик билан от чоптириб юрган қизига ўйчан назар соглан Тайр Усун бўйи етган қизини турмушга узатиш вақти келганилигини хаёлидан ўтказади. Аммо Тайр Усун дилбандини ўзидан узоклаштиришини истамас, шу сабаб Кулоннинг қўлини сўраган йигитларга рад жавобини берарди. Тайр Усуннинг ўй-хаёлларини қизининг жарангдор овози тарқатиб юборди:

- Мен кетдим, ота. Сизнинг келаёттанингиздан барчани хабардор этай.

- Ҳа, қизим. Одамларга зудлик билан йўлга ҳозирлик кўришларини айт.

- Нима воқеа рўй берди, ота? - сўради Кулон.

- Душманлар, қизим. Тезроқ бўл.

- Қочиб кетамизми? - умидсизлик ва араз билан отасига юзланди қиз.

- Қочамиз, - алам билан таъкидлади Тайр Усун.

Қабила ахли ўз қароргоҳларидан қўзғалиб, кўчиш тараддудини кўра бошлади. Одамларнинг йиғилишига деярли иккى кун вақт кетди. Тайр Усун аввалига ўзи билан ҳарбийларни ва бир неча ўзига яқин навкарларни оиласи билан қўчириб, тезроқ бу ерларни тарқ этишини ўйлаган эди. Аммо душман хавфини сезган меркитлар орасида ваҳима кўтарилиб, уларнинг барчасини олиб кетишга қарор қилди. Вақт оз эди. Буни ҳамма ич-ичидан сезар, қабилада ҳукм суроётган ноҳуш кайфият, араваларнинг гичирлашию чорва молларининг бетартиб овози, аёллар ва болаларнинг саросималаниши, ҳар қадамда душманлар шаънига айтилаётган қарғишлар, эркакларнинг отларига асабий қамчи солиши Тайр Усуннинг юрагига оғриқ берар, шу сабаб у буларни эшитгиси келмай олдинроқда кетиши учун отига қамчи босади.

Унга Кулон ҳамроҳлик қилди. Отасининг ёнида атрофни синчковлик билан кузатиб бораётган Кулон узокдан бир неча отлиққа ўзи тушди. Қувонч билан: “Биз Тоҳто бекига етиб олдик”, - деда отга қамчи босиб, отасига ҳам қарамай олдинга интилди. Тоҳто беки бу ерда бўлиши мумкин эмаслигини англаган Тайр Усун ўзини ўнглаб, бу отликлар кимлигини ани克拉ганича, қизи ўзидан анча илдамлаб кетган эди.

- Тўхта! - деда бақирди у.

Аммо Кулон отасини эшитмади ёки эшитишни хоҳламади. Нима бўлганида ҳам энди кеч эди. Кулон отликларни яқиндан қўрганидан кейингина уларнинг бегоналигини пайқади ва бирданига отни ортга бурди. Отликлар унинг ортидан қувишга тушишди. Тайр Усун бирзум тўхтаб қолди. У ҳозир хоннинг аскарлари кўлига тушса, Кулон ва бошқа қабила дошларининг аҳволи қанчалар аянчли бўлишини яхши билар эди. Гарчи бу фалокатлардан қочиб кутулиш амримаҳол бўлса-да, сўнгти имкониятдан фойдаланиб, вазиятни юмшатиш учун қиличини қинидан чиқариб, бosh кийимини қилич учига ўрнатди ва уни боши узра кўтарди.

- Ота, нима қиляпсиз? Булар душманлар-ку, - деда Кулон отасининг ёнига келиб тўхтади. Мўғул хонининг аскарлари уларга етиб олиб, узун наизалари билан ота-болани мўлжалга олдилар. Буйруқ беришга ўрганган Тайр Усун аскарларниchalғитиш учун баланд овоз билан:

- Тўхтанглар! Мен нойон Тайр Усун бўламан! Мен хон Темучиннинг ёнига боряпман, - деди.

- Хон Темучиннинг ёнига боряпман?! Ёлғончи. Меркитларнинг кучуги! - деди аскарлардан бири. Найзанинг ўткир уни заҳарли илоннинг боши сингари тўғри Тайр Усуннинг икки кўзи орасини нишонга олиб, аста-секин яқинлаша бошлади.

Отасига нисбатан қилинаётган хурматсизликка чидай олмаган Кулон кўлидаги қамчи билан отасига ўқталган найзани зарб билан урди ва:

- Отамга кўл теккиза кўрма, ифлос қул! - деди.

Қизнинг қўлмишидан аскарлар орасида кулгу кўтарилиб, шу пайт уларга тангутлар бош кийимида темир қалпоқ кийиб олган бир киши келиб қўшилди. Аскарлардан бири унга:

- Ная, меркит Тайр Усуннинг шахсан ўзи қўлимига тушди, - деди.

- Асир тушганим йўқ! Мен ўз ихтиёrim билан хон Темучиннинг ёнига кетяпман.

Ная қизиқувчанлик билан Тайр Усун ва юзидан газаб ўти тарапли турган Кулонга бошдан-оёқ синчковлик билан назар ташлаб, ишонқирамай гап бошлади:

- Ўз ихтиёrim билан де? Ҳали мени ўлжадан бенасиб қолдирмоқчимисан? Бу сенга ким бўлади? - деда нойон Ная Кулонга юзланди.

- Бу - менинг қизим. Биз сизларга қарши қилич ялан-фочламадик. Шундай экан, бизга тегинишга ҳаққингиз йўқ, - деди Тайр Усун.

- Хон Темучиннинг олдига нима учун бораяпсан? - сўради Ная.

Бу савол меркитлар нойонини жиддий ўйлантириб кўйди. Энди у муқаррар ҳалокатни бироз ортга суришни эмас, балки омон қолиш истагида эди. Фақат магур ва қайсар Кулон панд бермаса бўлгани. Душман аскарлари уни кўрганидан дарҳол ўлдирмадими, демак, тирик қолишга умид бор, деб ўйлади. Аскарлар Кулонни қўзлари билан еб кўйгудек бўлиб турибди. Мардлик қилиб кўксини найзага тутиб берганида ҳам, қизининг ҳоли нима кечади?.. Қарама-қарши ўй-хаёллар гирдобида беихтиёр:

- Хон Темучинга қизимни олиб боряпман, - деб юборди. Гап нимада эканлигини пайқаган қизининг нафрот билан қараб турувчи қўзларига қарашга ботина олмади.

Ная истехзо билан ота-болага назар ташлаб:

- Қизинг хонга керак, деб ўйлайсанми? - деб сўради. Нойон Ная ҳамон масхараомуз кулиб турган эса-да, унинг юзидағи аввалиги виқор аломати чекина бошлаган эди. Тайр Усун ундан бу ўзгариши дарҳол пайқади ва вазиятдан фойдаланиб қолиш учун:

- Ҳонга нима кераклигини унинг ўзи яхши билади. Борди-ю, унга нима кераклигини сен ундан ортикроқ билсанг, биз билан хоҳлган ишингни қилишинг мумкин, - деди.

- Сенга бирон нима қилади деб ким айтди? Аксинча, сени ва гўзал қизингни қароргоҳимга меҳмонга таклиф қилмоқчиман. Кел, азиз меҳмоним бўл, - деди Ная нойон бўш келмай. Аскарларга эса Тайр Усуннинг одамларини кўриклишни буюрди. Яқин атрофга чодир тикилиб, қўй сўйилди ва зиёфат бошланиб кетди. Ная меҳмон билан анча ўхтиёткорлик билан алоқа қилар, меркитларнинг ҳар бир ҳаракатини назорат остига олган эди. Кулонга эса алоҳида илтифот кўрсатарди. Қиз эса бу кўйга тушгани учун отасидан хафалигини яширмасди. Аскарларнинг сергаклигидан бу ердан қочишнинг хеч ҳам иложи йўқ эди. Аммо Тайр Усун ўзгалар гувохлигисиз қизига дилидагиларни айтиб олишга улгурди.

- Кулон, газаб билан кўнглингни хира қилма. Сен бизни... ҳаммамизни кутқаришинг керак. Ёлғиз умидимиз сенсан, қизим.

– Ота, ўғлонларининг жасоратига эмас, нозик бир қизга умид қилган қабиланинг фурури қани? Нахот, ўз жонингизни асраш учун мени душманларга рово кўрсангиз?

Тайр Усунга қизининг гали оғир ботди. Қулон унинг юзига тупурганида ҳам ўзини бунчалар ночор ҳис этмас эди.

– Сен мени, барчамизнинг ўлишимизни истайсанми? Майли, мен тайёрман! Тайёрман! – деда ўз сўзини таъкидлади.

– Йўқ, мен ҳеч кимнинг ўлимини истамайман. Мен энди сиз танлаб берган йўлни охиригача босиб ўтаман, – деди отасига тескари ўгирилиб ўтирган Қулон.

Ная уларни уч кун ўз қароргоҳида ушлаб турди. Уч кундан сўнг хоннинг ўрдаси сари йўлга тушиши. Йўл-йўлакай Ная Қулонга:

– Агар хон Темучин сени рад этса, ўзим сени қарамоғимга оламан, – деди.

– Рад этади? – ҳайрон бўлди қиз. – Нега?

– Чунки унинг бир-биридан гўзал хотинлари бор.

– Мендан ҳам чиройлими? – Қулон жаҳл билан унга совуқ назар ташлади. – Қани айт, мендан-да чиройлими улар?

Ная нима дейишини билмай, қизнинг саволига кулгу билан жавоб қилиди:

– Ҳа, уларнинг ҳар бирининг малоҳати ўзига хос. Қолаверса, шундай нозик масалани муҳокама қилишни унга ким қўйибди? Шундай зоти улуғ маликаларни бир-бирига солиштиришга ботина олармиди...

Хон ҳузурига отланган йўловчиilar хон Темучинни йўлда учратдилар.

Ная Тайр Усун қизини хоннинг ҳузурига келишув асосида олиб келяпти, деб ўлаган эди. Бирок хоннинг Тайр Усунга нисбатан бу каби кўпол муносабати уни бир меркитнинг сўзига чув тушганидан дарак берарди. Ўзининг алданганини англаган Ная жаҳл устида оёғи билан Тайр Усуннинг этигига аста тепиб қўйди. Унинг бу ҳаракати Темучиннинг эътиборини тортиб, юзи тундлашди. Лабидаги нимтабассум йўқолиб, кўзларида шафқатизлиларни намоён бўлди.

– Хон, мени ҳеч ким қистовга олгани йўқ. Мен сенга бебаҳо бойлигим, қизимни олиб келаётган эдим. Сенинг жасур аскарларингга рўбарў келганимда, мен ярим йўлни босиб ўтган эдим, – деди Тайр Усун.

– Ўш, ёнимга етиб келишинг учун неча кун керак бўлди? – асабий гапни бўлди хон, – иккιюзламачилик ва тилёғламаликни кўрарга кўзим йўқ, – деди у.

– Хон, биз уч кун сенинг одамларинг қароргоҳида ушланиб қолдик.

– Шундай де? Демак, сен Ная, буларни шу пайтгача ушлаб турган экансан-да?

Ная нойоннинг ранги оқариб, оёғидан мадор кетди. Унинг тили каловланиб, орага совуқ сукунат тушди. Кутимаганда Қулон ўзини тутиб тура олмай, хандон отиб кулиб юборди. Унинг кулгусида қувноқлик ва заҳархандалик жаранглар эди. “Қиз ақлдан озиб қолибди”. Тайр Усун хаёлига келган фикрдан кўркиб кетди. Хон Темучин илк бор Қулонга назар солди. Ҳали кулишдан тўхтамаган қиз:

– Буюк хоннинг ҳузурига ўз ихтиёри билан келган меҳмонлар шундай кутиб олинар экан-да, – деди.

Қулоннинг кулгуси Темучиннинг кайфиятини кўтариб юборди.

– Эй сен, маржон тишли меркит қизи. Мен ҳақимда бундай гумонларга борма, кўрқмас хотун. Сени ўзим билан олиб кетаман. Сен эса Тайр Усун, одамларингни бу ерга бошлаб кел. Менинг ерларимга борасизлар.

Тайр Усун хурсанд бўлишини ҳам, хафа бўлишини ҳам билмай боши қотди. Унинг боши омон қолди. Аммо хоннинг назорати остида унинг ҳали ҳарки эрки, ихтиёридан айрилади. У айни дамда қизига, Тоҳто бекига, ҳалқига хиёнат қилганини англади. У хонга юзланиб: “Буюк хон, менинг одамларим сенинг орtingдан бора олмайди. Бизда от-увловлар кам. Бори ҳам тўхтовсиз жанг жадаллар оқибатида ҳолдан тойган. Сенинг учқур отларингга етиб олишлари маҳол”, – деди. Буни Ная нойон ҳам тасдиқлади.

Темучин кўп ўйлаб ўтирмай, ишончли одамларига меркитларни юзга бўлиб чиқиб, ўзининг одамларини юзбоши қилиб тайинлашини буюрди. Шу тариқа Тайр Усун мол-мулкидан ва эркидан айрилди.

Темучин кам сонли аскарларни қолдириб, ўзи йўлга тушди. Тайр Усун

жойидан қўзғалган кўшин ортидан қараб қолди. Хоннинг ёнида отда виқор билан кетаётган қизи тобора ўзидан узоқлашиб борарди. У қизини сўнгги бор кўриб туриши эди.

Тайр Усунга ўзи бошқарган ҳалқ энди юзбошиларнинг амрига бўйсуниши алам киларди. Шу аламли ҳаёллар билан бу вазиятдан кутилиш йўлини ҳам ўйлаб топди. Қабиладошлари билан келишиб қоровулларни ва юзбошиларни ўлдириб, бу ерлардан узоққа қочиб кетишини ўйлади. Тонг саҳар ўйкудаги мўғулларга ташланиши. Қўлларига нима тушса, шу билан душманларни калтаклай бошладилар.

Темучин бу ерлардан анча узоқлашиб улугурган эди. Бироқ олисдан эшитилаётган шовқин-сурон унинг эътиборини тортиб, ортга қайтиши. Темучин ўзига хоинлик қилган меркитлардан аёвсиз ўч олиб, уларни ер билан яксон қилди. Бу уруғдан факат Қулон ва унинг акаси хоннинг шафқатига мұяссар бўладилар. Хоннинг эътиборига сазовор бўлган Қулон хотун хоқон саройидаги мартабали маликалардан бирига айланади.

Хоннинг меҳр-муҳаббатига суюнган Қулон хотунни ҳеч ким меркит дея камсита олмас, аксинча, унинг Темучинга таъсири кундан-кунга кучайиб борарди. Бу орада Қулон хотун хонга Қулкан ва Ҳарачар исмли паҳлавондек ўғилларни инъом этди. Шу сабаб Қулон хотун ўш бўлишига қарамай, малика Бўртени ўзига рақиба деб биларди. Бўрте ҳам мағур, Қулонни хушламас эди.

Хонлар хони дея улуғланиб, дунёга номи достон бўлган Темучин 1206 йилда Чингизхон номини олиб, бу ном билан барчани бирдек титратса-да, аммо кундошларнинг ўзаро муносабатларига таъсир ўтказишга оқизлиларди. Қулон хотун ўғлининг ҳаёти учун Бўртедан шубҳаланиб, ҳамиша Чингизхонга шикоят қиларди. Ҳатто “Қулкан ярми меркит бўлгани учун Бўрте уни ҳеч қаҷон кечирмайди”, дея иддао қилиб, Чингизхоннинг кўнгил ярасини тирнаб кўяр эди. Буюк хоқон ҳанчалик ич-ичидан зил кетмасин, кўнглидаги ғашлини Қулонга сезиздирмасликка ҳаракат қиласиди. Унинг малика Қулонга бўлган муҳаббати ўти эди. Ўзга мамлакатларга босқинчилик юришларини амалга оширган чогида ҳам маликани ўзига ҳамроҳ қиласиди. Қулон нафақат ташқи гўзаллиги, балки ширин сўзларию макру ҳийалларни билан Чингизхонни ўзига ром қилиб, унинг хоҳиш ва қарорларига таъсир эта оларди.

Хоқон ҳар сафар жанг жадаллардан ҳориб, Қулон хотуннинг чодирига ташриф буюрганида, малика ўз қобилиятини ишга солиб, уни ҳар хил қўринишда кутиб олар эди. Баъзан Чингизхонни хитой қизлариdek нафис шойи матоларга ўраниб, кўзларида ёш билан, ватан туйғусини мадҳ этувчи куй-кўшиқлар билан қарши олса, баъзиде афсона-вий қиёғага кириб лол қолдиради.

Кунларнинг бирида Қулон хотун Чингизхонни хузурига чорлади. Бу сафар малика чодир ўртасида ёнаётган гулхан ёнида кўзларини ерга тикиб ўтиради. Чодирдан жой олган шоҳона гиламлар, хитойдан келтирилган бежирим пардалар бир чеккага тортиб кўйилган эди. Бу ҳолдан ҳайрон бўлган хоқон нима сабабдан бундай қилганини сўрайди. Малика бу ерда қолишдан қўрқишини айтади. Бутун уругини ўлдириган Жўчихон, куни келиб ўзини, акасини ва ёлғиз ўғлини ўлдириши мумкинлигини айтиб, ўксиб-ўксиб йиглайди. Пойёнсиз саҳроларга бош олиб кетиб, тинч яшаш истагини билдиради. Албатта, хоқон бунга қарши чиқади ва маликанинг барча истагини бажаришга ваъда беради. Қулон вазиятдан фойдаланиб, ўғлини таҳт вориси этиб тайинлашини ва тўнгич ўғлини узоқ юртларга нойон қилиб юборишини сўрайди. Чунки хоқоннинг вафотига қадар кичик ўғил вояга этиб, давлат тизгинини қўлга олиши мумкин эди.

Шаҳзода Кулканнинг мавқеи акалариникидан кам эмасди. Бироқ хоқон кичик ўғлини қанчалар ардокламасин, барibir уни валиахд этиб тайинлашга ожиз эди. Шу сабабли Чингизхон Қулон хотунни тинчлантириб, малика ҳимояси учун олти юзта аскар ёллади ва навкарбоши қилиб Қулон хотуннинг акаси Жамол Ҳожини тайинлайди. Қулон бу ҳаракати билан ўғлининг таҳт вориси бўлишига эриша олмаса-да, акасининг навкарбоши этиб тайинланишига муваффақ бўлади.

Чингизхоннинг ҳаётига оид кўпчилик бадиий асарларда унинг табиатан ўта рашки бўлганлиги баён қилинган. Бунга қўйидаги воқеани мисол қилишимиз мумкин.

Хоқон қароргоҳидаги шоҳона базмлардан бирида тангутлар хони Бурхоннинг элчиси Ашаганбу ва жанубий Хитой императори томонидан юборилган элчи Мен Хунни ўш рафиқаси Қулон хотун билан бирга кутиб олади. Маликанинг эгнидаги қимматбахо тошлар ўрнатилган кўйлаги товланиб, бармоқларидан бўйнигача бўлган зебу зийнатлар барчани лол қолдиди. Ҳар иккала элчи ҳам тобора қудратли бўлиб бораётган мўғул хоқонига яқинроқ бўлишни истар эдилар. Маликанинг қаршисидан жой олган тангут элчиси қизиқарли воқеалар сўзлаб, маликани кулдирап эди. Бу эса базму жамшиддан кўнгли тўлиб ўтирган Чингизхоннинг эътиборини ўзига тортади ва унга қўйидаги мазмунда савол беради:

– ...Сенинг ҳукмдоринг бўлажак жангда менинг ўнг қанотимга келиб қўшилишга ваъда берган. Хоразмга қарши бўладиган жангда у ўз ваъдасида турадими?

Гўзал маликанинг сұхбатидан маст бўлган элчи Чингизхонга бепарволик билан жавоб қайтаради:

– Жанг қиммоқ учун сенда қўшин кам бўлса, унда хоқон бўлиб нима қиласан?

Беадаблик билан қайтарилган жавобдан хоқон фазаб отига минади. Агар тирик бўлсан ва жангдан ғалаба байробини кўтариб қайтсан, сенга ва сенинг хоқонингга ким хоқон бўлишга ҳақли эканини кўрсатиб кўяман, деб қасам ичади. Элчини хузуридан улоқтириб юборишларини буюради.

Чингизхоннинг зафарли юришлари давом этади ва Хоразмга бостириб киради. Хоразмликлар мардонавор жанг олиб борсалар-да, ўз манфаатини кўзлаган хонилар айби билан мўгулларнинг кўли баланд келади. Хоразм шаҳзодаси Жалолиддинга мадад берувчиларнинг айримлари оддий келишмовчиликлар сабаб уни ташлаб кетади. Ёлғиз қолган Султон Жалолиддин Ҳинд диёрига чекинади.

Чингизхоннинг Хоразмга қилган ҳарбий сафари давомида унга Қулон ҳамроҳлик қиласди. У ҳар сафар бирон мамлакат билан уруш қилишини ихтиёр этса, сарой хонимларининг безовталана бошлаганинг гувоҳи бўлар эди. Чунки маликалар ҳар қандай ҳолатга тайёр туриб, ўғиллари учун жон кўйдиришарди. Гарчи Чингизхоннинг тўнгич хотуни Бўрте маликалар ва



канизаклар орасида тотувликни сақлаб турган бўлса ҳам, шаҳзодалар улғайгач, олийнасаб хонимлар икки тарафга ажралган эдилар. Бир тарафда хоқонга тўрт ўғил ҳадя этган, марта бада барчадан улуғ бўлган Бўрте, иккинчи томонда ёш ҳамда мафтункор, хоқоннинг муҳаббатига асосий даъвогарлардан бўлган эрка Қулон турарди. Чунки ўзга маликалар дунёга келтирган ўғиллар гўдаклик чоғидаёқ вафот этган эди. Чингизхон агар Қулон хотунни ёлғиз қолдирса, у хокимият учун кураш бошлаб юборишини яхши тушунар, шунинг учун ҳам уни ўзи билан бирга олиб юрар эди.

Ёзинг жазирама иссиқ кунларининг бирида Қулон хотун ва унинг ўғли бетоб бўлиб қолади. Чингизхон рафиқасидан ҳар куни хабар олар, Қулон хотун танасидаги оғриқ кун сайин кучайиб бораётганини айтиб йигларди. Қулоннинг дардига фақатгина Керулиннинг мовий сувларию она ватанининг тоза ҳавоси шифо бўлиши мумкин эди. Янги ерларни забт этиш орзузи ва севимли ёрининг инжиқликлари хоқонни қийнай бошлайди. Қулон хотун доно вазир Елю Чу Цайни чакиририб, хоқонни юртига қайтариш маслаҳатини қиласадилар.

Чингизхон жангчилар жанг жадалдан толиқанини англайди ва ортга қайтишини эълон қиласди. Бундан мўгуллар мамнун бўладилар. 1224 йилда Чингизхон мўғул ерларига қайтади. Гўзал баҳор фаслида улар Керулин қирғогига келиб жойлашишиади. Барча обрўли амалдорлар ва саркардалар йигилиб, дабдаба билан базм ўтказилади. Шоҳона базмдан уч кун ўтиб, Қулон хотун бу ёруғ оламни тарқ этади.

Қулон хотун бутун умр ёлғиз ўғлининг камолини кўриш орзузи билан яшади. Айнан Қулон хотуннинг шарофати билан Кулканнинг мавқеи Чингизхоннинг тўнгич хотуни Бўртедан туғилган ўғилариникидан кам бўлмаган. Шаҳзода Кулкан моҳир саркарда ва каттагина улуснинг эгаси бўлиши мумкин эди. Бироқ тақдир тақозоси билан унга бу даражага эришиш баҳти насиб этмади. Онасининг ўлимидан кейин у ҳам яшамади. Беаёв жангларнинг бирида ҳалок бўлади. Жанг жадаллар, унга фидо бўлганлар тарих саҳифаларидан аста-секин йўқолиб кетса-да, Қулон хотуннинг фахму малоҳати асрларга татигулик афсонага айланниб қолади.

Рахима БАЙМУҲАМБЕТОВА.  
Мақола расмлари интернет саҳифаларидан олинди.

# Фойдалы, шифобахш

## ИСИРИҚ

Исириқ асабларни тинчлантирувчи, ёқимсиз ҳидларни йўқотувчи хусусиятга эга. Буюн бобомиз, бетакрор ҳаким Абу Али ибн Сино тавсияларига кўра, исириқ суяк, бўғинлардаги оғриқлардан халос бўлишида, нервлар шамоллаши, бавосил, ичак, қораталоқдаги хасталикларни даволашда ишлатилади. Исириқ ўтидан 96 фоизли спиртда (1:1 нисбатда) 21 кун тиндириб кўйилиб, ажратма тайёрланади. Бу суюқликдан кунига 6-12 томчидан 3 маҳал ичилса, шол, паркинсон, шизофрения касалликларини даволашга ёрдам беради.

Халқ табобатида исириқ ўтидан чой дамлаб ичилса, тутъаноқ, заҳм, буйрак хасталикларига ижобий таъсир ўтказади, дейилади. Ургидан 7-10 донадан ютилса, ошқозон, ичак, жигардаги касалликларни даволайди.

Агар исириқдан ванна тайёрлаб, қабул қилинса, бод, теридаги муаммолардан фориғ бўлишига ёрдам беради. Бу муолажани қўйидағи тартибда тайёрлаш мумкин: 100 грамм исириқ 10 литр усти ёпиқ сув идишга солиб, 15-20 дақиқа қайнатилади. 20 кун давомида кунора 30-40 градусли иссиқ сувга исириқ ажратмасини кўшиб ванна қабул қилиш мумкин.

Исириқ тутатиш билан шол, қизамиқ, безгак каби касалликлар тарқалишининг олди олинади. Бундан ташқари, исириқ дуди аёллардаги тўлғоқни ҳам тезлаштиради.



## ИСМАЛОҚ

Исмалоқнинг пояси (ер устки қисми) таркибида каротин, С, В витаминлари, қандлар, органик кислоталар, оксил ва бошқа моддалар бор. Бу шифобахш ўт эрта баҳорда гуллашдан олдин йигиб олинади. Барра ҳолатида обдан тозалаб ювиб, майдалаб тўғраб, ундан сомса, чучвара каби тансик таомлар тайёрлаш мумкин. Бу таомлар ични юмшатади, иммунитетни кўтаради.

Исмалоқдан тайёрланган дамлама шифобахш хусусиятга егалиги билан алоҳида аҳамият касб этади.

Дамлама қўйидагича тайёрланади: 1 ошқошиқ майдаланган барра ҳолатидаги исмалоқ барги 250 мл. сувда 10 дақиқа қайнатилади. 1 соат давомида тиндириб кўйилади ва сузиб олинади. Кунига 50 мл.дан 4 маҳал ичилса, камқонлик, қабзият каби касалликлардан халос бўлишига ёрдам беради. Ундан ташқари, бу дамлама билан тез-тез чайиб, томоқдаги, милкдаги яллигланишларни даволаш мумкин.




## ЖАҒ-ЖАҒ

Жағ-жағ бизнинг худудларда жуда кўп учрайдиган шифобахш ўт ҳисобланади. Унинг таркибида аскорбин кислота, органик кислоталар, К витамины, флавоноидлар, сапонинлар ва ошловчи моддалар бор. Тиббиётда қон тўхтатиш, пешоб ҳайдаш учун ишлатилади. Даволовчи хусусиятга эга бўлган дамламани ўй шароитида ҳам тайёрлаш мумкин.

Жағ-жағ ўтини обдан ювиб, майдалаб, ундан 2 ошқошигини қопқоқли идишга солиб, устидан 450-500 мл. қайноқ сув қўйилади. Сўнг 15 дақиқа сув ҳаммомида димланади. Совугач, сузиб олинади. Ҳар куни овқатдан сўнг 2-3 қошиқдан ичилса, бурундан, аёллар бачадонидан қон кетишини тўхтатади. Бу дамлама ошқозон яллигланганди, бавосил, ичбуруғ каби хасталикларни даволашда ҳам ёрдам беради.

Жағ-жағ барра ўтнинг ширасини қайнатилган сувда (1:1 нисбатда) суюлтириб, кунига бир ошқошиқдан уч маҳал ичилса, яралар, яллигланишлар туфайли юзага келган оғриқларни енгиллаштиради.

Бу ўтнинг баргларини салатларга кўшиб ҳам истеъмол қилса бўлади.



## “БАХОРИЙ” салат

### Керакли масаллиқлар:

200 мл. сметана, 1 бодган исмалоқ, редиска ва кўқпиёз, 3 дона тұхум, 3 та бодринг, салат барги, шивит, туз, мурч.


### Тайёрланиши:

Кўқпиёз ва шивит майда тўгралади. Исмалоқни ювиб, майдаланган кўкатлар билан аралаштирилади.

Бодринг ва редиска ярим ой, пиёз эса ҳалқа шаклида тўгралиб, сўнг тўртга бўлинади.

Барча масаллиқлар аралаштирилгач, унга туз, мурч ва сметана қўшилади. Тайёр салат юзаси таъбга кўра безатилиди.

## “МАЙ” салати



### Керакли масаллиқлар:

300 гр. қайнатилган мол гўшти, ярим бод барра саримсоқпиёз, биттадан бодринг ва помидор, 1 бош пиёз, 2 ошқошиқдан зайдун ёғи ва соя соуси, шакар.

### Тайёрланиши:

Қайнатилган мол гўшти, бодринг ва помидор сомонча шаклида тўгралади.

Пиёзни ярим ҳалқа шаклида тўграф, унга 1 ошқошиқ соя соуси билан бирга озгина шакар қўшилади.

Саримсоқпиёз майдалангач, барча масаллиқлар, соя соуси ва зайдун ёғи ҳам қўшиб аралаштирилади. 10 дақиқадан сўнг тузи ростланиб, дастурхонга тортилади.


## ГУЛКАРАМЛИ салат

### Керакли масаллиқлар:

200 гр. гулкамам, 100 гр. помидор, 100 гр. бодринг, 1 бош пиёз, 1 ошқошиқ сметана ёки майонез, таъбга кўра туз.

### Тайёрланиши:

Тузли сувда қайнатиб пишириб олинган гулкамам бўлакларга бўлинади. Майда тўгралган пиёз, тўртбурчак шаклида тўгралган помидор ва бодринг гулкамам билан аралаштирилади. Аралашмага таъбга кўра сметана ёки майонез, туз қўшиб, дид билан безатилган ҳолда дастурхонга тортилади.



ДИЛСОРА тайёрлади.

# САОДАТ

Ўзбекистон Республикаси хотин-қизларининг ижтимоий-сийесий, адабий-бадиий, безакли журнали  
1925 йилдан чиқа бошлаган

3-сон (907) 2020 йил

МУАССИС:

Ўзбекистон Республикаси  
Маҳалла ва оиласи қўллаб-  
кувватлаш вазирлиги

БОШ МУҲАРРИР:  
Мунаввара УСМОНОВА

“САОДАТ” КЕНГАШИ:

Танзила НАРБАЕВА  
Элмира БОСИТХОНОВА  
Муҳаббат ШАРОПОВА  
Дилбар НАЖМУТДИНОВА  
Ойдин ҲОЖИЕВА  
Энахон СИДДИҚОВА  
Гулистон МАТЁҚУБОВА  
Гавҳар АЛИМОВА

ТАҲРИРИЯТ:

Бош муҳаррир ўринбосари:  
Маҳмуда САҶДУЛЛАЕВА

Бўлим мудири:  
Кутлибека РАҲИМБОЕВА

Мусаххих:  
Махсума ЭРГАШЕВА

Саҳифаловчи:  
Шерзод АБДУРАҲМОНОВ

Таҳририят манзили:  
Тошкент шаҳри, М.Улуғбек тумани  
Мирзакалон Исмоилий Г-1.  
E-mail: [info@saodat-gul.uz](mailto:info@saodat-gul.uz)  
Веб сайт: [www.saodat-gul.uz](http://www.saodat-gul.uz)  
Тел.: (71) 202-70-04, 202-70-05

Босмахонага 19.03.2020 йил  
топширилди.

Қоғоз бичими 60x84 1/8.

Ботик босма.

Нашр хисоб тобоги 5,75.

Индекс – 867

**ISSN 2010-541X.** Журнал 2006 йил  
22 декабрда Ўзбекистон Матбуот  
ва ахборот агентлигига 0061-рақам  
 билан рўйхатга олинган.  
“Шарқ” нашриёт-матбаа  
акциядорлик компанияси  
босмахонасида чоп этилди.  
Буюртма №892. Адади 2830.  
Баҳоси келишилган нархда.

## Ушбу сонда:


- 2 КУН НАФАСИ  
Халқ бой бўлса,  
давлат бой бўлади
- 6 МЎЎТАБАР АЁЛ – 2020  
Азизим, лобарим,  
севаримсизлар...
- 9 САОДАТЛИ КУНЛАРИМ  
Токим, бу дарёлар  
бемалол оқсин
- 10 ҚАДРИЯТ  
Тепалиқдаги оҳанг
- 14 ШЕЪРИЯТ  
Орзу қанотида  
учмоқни ўрган...
- 18 НАСР  
Саҳифалар ифори
- 22 ҚАРДОШЛАР АДАБИЁТИДАН  
Синмаган вафо
- 26 ЖАҲОНГА МАШХУР АЁЛЛАР  
Қулон хотун



Биринчи муқовада:

Ўзбекистон давлат консерваторияси “Мақом хонандалиги” кафедраси ўқитувчиси  
Мамлакатхон УЛАШЕВА Зулфия номидаги Давлат мукофотига  
лойик кўрилгач, санъат ва жамиятда катта муваффақиятларга эриша бошлади.

(Санъаткор ҳақида мақолани  
журналнинг 5-саҳифасида ўқинг).



10



18



26

“Саодат” журнали индекси – 867.  
Журналнинг бир сони учун белгиланган  
нарх – 10.000 сўм. Бир йилга – 120.000 сўм.  
Бу нархга почта ва йўл харажатлари кирмайди.



## Наманган вилояти



Азимова Диляфруз Аламхон қизи – Тошкент давлат иқтисодиёт университетининг 4-bosқич талабаси

Тошибеева Олимакон Икромжон қизи – Наманган вилояти Косонсой туманидаги 9-иҳтисослаштирилган умумий ўрта таълим мактаб-интернатининг 9-сinf ўқувчisi

## Самарқанд вилояти



Мусулмонова Камола Ҳусниддин қизи – Самарқанд давлат университетининг 2-bosқич магистранти

Усмонова Нуринисо Олимовна – Самарқанд давлат университетининг 1-bosқич талабаси


## Сирдарё вилояти



Мұхамадиева Ситора Шұхратжон қизи – Сирдарё вилояти Бөйектуманидаги 4-умумий ўрта таълим мактабининг 9-sinf ўқувчisi

Саматова Шахноза Ортиқбай қизи – Тошкент давлат педагогика университетининг 2- bosқич талабаси

## Сурхондарё вилояти



Абдураззақова Рухшона Илҳомжон қизи – Сурхондарё вилояти Термиз шаҳридаги 4-иҳтисослаштирилган умумий ўрта таълим мактаб-интернатининг 8-sinf ўқувчisi

Қайимова Сабина Олимовна – Афғонистон фүқароларини ўқитиши таълим марказининг тұғарқырахбари


## Тошкент вилояти



Болтаева Мөхира Матейкуб қизи – Тошкент педиатрия тибиёт институтининг 1-bosқич талабаси

Жалолова Мөхинур Зиёвуддин қизи – П.Бенкіев номидаги Республика иҳтисослаштирилган рассомлик мактабининг 11-sinf ўқувчisi

## Фарғона вилояти



Ҳабибуллаева Нозима Хайрулло қизи – Тошкент давлат ўзбек тили ва адабиети университетининг 1-bosқич магистранти

Хомидова Насиба Юнусжон қизи – Тошкент ахборот технологиялари университетининг Фарғона филиали 1-bosқич магистранти

## Хоразм вилояти



Алимова Махлиә Маҳмуд қизи – Тошкент тибиёт академияси Урганч филиалининг 6-bosқич талабаси

Шарипбаева Назокат Қуролтой қизи – Қарақалпоқ давлат университетининг 3-bosқич талабаси

## Тошкент шаҳри



Дзивинская Юлия Станиславовна – 2-Республика тибиёт колледжининг 3-bosқич ўқувчisi

Тогаймуродова Шахноза Шұхрат қизи – Тошкент шаҳри Сергели туманидаги 300-иҳтисослаштирилган умумий ўрта таълим мактабининг 11-sinf ўқувчisi

104 36

Ўзбекистон Бадиий академияси аъзоси,  
истеъдодли рассом Гулнора РАҲМОНнинг миллий  
руҳияти ёрқин аксланган асарлари санъатсевар  
халқимиз меҳрини қозонганд.



Мутолаа